

周易逢原

卷

下經下

周易述原下經

虎文馮光炳

更正

卷四目錄

井	初二	五	上	陸氏全	錯簡全
革	初二	五	上	陸氏全	錯簡全
鼎	初二	五	上	陸氏全	錯簡全
震	初二	五	上	陸氏全	錯簡全

周易逢原下經

虎文馮光炳
更正
改註

卷四目錄



井

初二三四五上陸爻全錯簡全
行更正。

革

初二五上肆爻錯簡更正。

鼎

初二三四五上陸爻全錯簡全
行更正。

震

初二三四上伍爻錯簡更正。

艮

初三四五上。伍爻錯簡更正。

漸

初二四上。肆爻錯簡更正。

歸妹

初二三五。肆爻錯簡更正。

豐

初二三四五上。陸爻全錯簡全。

旅

初二三四五上。陸爻全錯簡全。

巽

初二三四五上。陸爻全錯簡全。

兌

初二三四五上。陸爻全錯簡全。

渙

初二三四五上。陸爻全錯簡全。

節

初二三四五上。陸爻全錯簡全。

中孚

初二三四五上。陸爻全錯簡。

小過

初二三四五上。陸爻全錯簡。

既濟

初二三四五上。陸爻全錯簡。

未濟


初三四五上伍爻錯簡更正

以上拾柒卦每卦陸爻核計壹百零
貳爻其中錯簡共有玖拾叁爻本孔
子拾傳考究更正以還周公之舊以
拯歷儒之失

周易逢原下經

卷之四

虎文馮光炳著



坎上 巽下

井改邑不改井。無喪。無得。往來井井。汔至。

亦未繙井。

困乎上者必反下。故受之以井。井者德之地也。為卦巽木入于

下。坎水出乎上。木入于下。水出于上。柳罐稍汲之象。故曰井。一方水土養一方人。故曰改邑不改井。不汲不長。隨汲隨長。故曰無喪。無得。井居其所而遷。故曰往來井井。

取之不盡。用之不竭。故曰。汔至亦未繙井。
博施於民。而能濟衆。故曰。井。改邑不改井。
無喪。無得。往來井井。汔至亦未繙井。詩云。
民之質矣。日用飲食。群黎百姓。徧為爾德。
此之謂也。**象曰。木上有水井。君子以勞民勸相。**
木上有水。桶提梢汲也。故曰。木上有水井。
因民之所利而利之。擇可勞而勞之。故曰。
君子以勞民勸相。井。淘而甘。民勸而賢。故
曰。木上有水井。君子以勞民勸相。詩云。樂
只君子。民之父母。樂只君子。德音不已。此
之謂也。

三三

以巽變乾。自井之需。

初六井冽寒泉食貞吉。

變成大哉乾乎。剛健中正純粹精也。

故曰井冽變乾為寒。故曰寒變乾知大始。泉乃井之始也。故曰泉變乾為金。金乃水之母也。母所食者子也。故曰食其貞固足以幹事者莫大乎甘泉。旺井也。故曰貞井養而不窮也。故曰貞吉。變乾為龍。水不在深。有龍則靈。故曰井冽寒泉食於人為位。不在顯。有德則清。故曰井冽寒泉食貞吉。詩云其室則迥其人甚遠。此之謂也。

象曰寒泉之食中正也

變成大哉乾子剛健中正故曰中正

也乾乃萬物資始為泉始故曰寒泉之食中正也詩云食之飲之君之宗之



以巽變艮自井之蹇

九二井甃無咎羸其瓶凶

變艮為小石乃砌井之物料也

故曰井甃乃成事也故曰無咎艮為小石乃敗瓶之對頭也故曰羸其瓶又壞事焉故曰凶為功為過或成或敗均是此物故曰井甃無咎羸其瓶凶詩云好言自口莠

言自口。此之謂也。

象曰井甃無咎修井也羸其瓶。

是以凶也。

巽為工。變艮為手。工用於手。故曰井甃無咎。修井也。巽變艮。巽

而止。蠱故曰羸其瓶。是以凶也。嗚呼。未有

修而不壞者。故曰井甃無咎。修井也。羸其

瓶。是以凶也。詩云靡不有初。鮮克有終。此

之謂也。



以巽變坎。自井之坎。

九三井收勿幕有孚元吉。

巽入變坎水。巽乎水而上水。故

曰井收勿幕。卦係木上有水井。此爻以巽變坎。坎蓋巽上。自成仍是木上有水井。能變還本卦。故曰有孚元吉。乃君子造道逢原之象。遵先王之法而過者。未之有也。故曰井收勿幕。有孚元吉。詩云王配于京。世德作求。永言配命。成王之孚。此之謂也。象曰元吉在上。大成也。爻與卦合。如子不吉在上。一爻旁通之小。變還六爻全體之大。故曰大成也。比於啓賢能敬承繼禹之道。仍舊貴守成規。故曰元吉在上。大成也。詩云不愆不忘。率由舊章。此之謂也。



以坎變兌。井之大過。

六四井谷射鮒甕敝漏凶。

坎為水。變兌為附決。乃通窟之。

井也。故曰井谷。井有通窟。則有蛇蟻來穿。

故曰射鮒。坎中滿。變兌為毀折。故曰甕敝。

漏。比於人為自暴。自棄。故曰凶。以坎變兌。

自成澤。無水困。井通而困相遇也。故曰井。

谷射鮒。甕敝漏。詩云池之竭矣。象曰井谷。

不云自頻。此之謂也。象曰井谷。

射鮒無與也。

路旁鹵井。為人終棄。故曰無與也。自暴者不可與有言。自。

棄者不可與有為。故曰井谷射鮒無與也。詩云彼人之心于何其臻此之謂也。

䷯ 以坎變坤
自井之升

九五井泥不食舊井無禽吝。

坎水變坤土水土相混故

曰井泥惡惡之心人皆有之故曰不食井之泉原從地漾今遭土蓋是往地歸故曰舊井地上蟲死因地下泉枯泉枯之地無蟻垤無蟻垤則鸛不止故曰無禽地脉乾氣淑敗故曰吝比於人為祿盡故曰井泥不食舊井無禽吝詩云池之竭矣不云自

頻。泉之竭矣。不云自中。此之謂也。

象曰：井泥不食，下

也。舊井無禽，時舍也。

坎水變坤地，水往地

也。地運去矣。泉脉死焉。故曰：舊井無禽，時舍也。無喪無得之井，尚有興衰，有是有非之人，豈無成敗？人有人運，井亦有井運。故曰：井泥不食，下也。舊井無禽，時舍也。詩云：宜監于殷，峻命不易。此之謂也。○師卦六五：坤變坎，曰：田有禽。比卦九五：坎變坤，曰：失前禽。此井卦九五同於比卦九五，同是坎變坤，故曰：舊井無禽。有現成義例。程朱

二子無此考察。所以爻中之錯簡。程朱二子不能看出也。傳之義之。二子在費心思。



以坎變巽。自井之巽。

上六井泄不食。維我心測可用。汲王明並。

受其福。

坎水變巽風。風行水上。渙乃汙濁。行潦之水也。故曰井泄。羞惡之心。

人皆有之。故曰不食。此大概常情之理也。故曰井泄不食。坎維心亨。變巽為進退。心上生進退。故曰心測。滄浪之水清兮。可以濯我纓。滄浪之水濁兮。可以濯我足。故曰。

維我心測。坎為水。變巽為白。乃澄清之白。水也。故曰可用汲。變巽為風。風乃大而化之之象。大。而化之之謂聖。故曰王。變巽為風。風乃至而伸者之象。至而伸者為神。故曰明。王公神明合而言之。故曰並受坎水。變巽木。水能生木。我生者為食神。故曰其福。坎水變巽白。有如白水。即有如皎日。乃明。信也。苟有明信。雖汙潢行潦之水。可薦於鬼神。可羞於王公。故曰可用汲。王明並受其福。清斯濯纓。濁斯濯足。自取之也。井有所泥。泄有所澄。何棄之有。故曰井泄不食。維我心測可用汲。王明並受其福。詩云。

洞酌彼行潦。挹彼注兹。可以濯漑。此之謂也。

象曰：井泄不食，行

測也。承王明受福也。

雖泄焉不泥也。故曰：井泄不食，行測也。享

致誠祭致敬。故曰：承王明受福也。德馨黍亦馨。心潔水乃潔。變巽為萬物之潔齊也。故曰：井泄不食，行測也。承王明受福也。詩云：其香始升。上帝居歆。此之謂也。

䷯

離下兌上

革巳日乃孚。元亨利貞悔亡。

井道不可以不革。故受之。

以革。革去故也。為卦下離火。炎上作苦。上兌澤。潤下作鹹。鹹勝則苦。變鹹矣。苦勝則鹹。變苦矣。鹹苦相奪。則從革作辛矣。故曰：革上卦兌。乃後天八卦之終。故曰：已。下卦離為日。故曰：日。立春立夏立秋立冬之前一日。歷家謂之四絕。故曰：已。日四時有徵。有驗。故曰：孚。春氣已。夏氣始。則律應仲呂。夏氣已。秋氣始。則律應夷則。秋氣已。冬氣始。則律應鍾。冬氣已。春氣始。則律應太簇。不到革期。不應。一到革期。即應。故曰：已。日乃孚。春夏秋冬四時迭運。故曰：元亨利貞。以其信而有徵。故曰：悔亡。歲月日時無

易百穀用成。又用明。俊民用章。家用平康。故曰革。巳日乃孚。元亨利貞。悔亡。詩云。昊天有成命。二后受之。此之謂也。

象曰。澤中有火。革。君子

以治歷明時。

澤中有火。雉入大水為蜃也。故曰。澤中有火。革。歲十月。天

子乃祈來年于天宗。故曰。君子以治歷明時。能盡物之性。則可以贊天地之化育。故曰。澤中有火。革。君子以治歷明時。詩云。昊天曰明。及爾出王。此之謂也。



以離變艮。自革之咸。

初九。鞶用黃牛之革。我仇有疾，不我能即。

吉。

離為甲冑。故曰：鞶用。離為畜牝牛。為火。

也。

火生者土。故曰：黃牛。動而變艮。艮者根。

曰。

去毛留根。故曰：之革。甲冑以堅為勝。故

故。

曰：我仇。戈兵尚利。故曰：我仇有疾。造堅

甲。

以禦利兵。故曰：我仇有疾。不我能即。函

人。

唯恐傷人。故曰：鞶用黃牛之革。我仇有

疾。

不我能即。吉。詩云：有嚴有翼。共武之服。

此之。

謂也。象曰：鞶用黃牛，足可以有為也。甲以

告堅。

故曰。鞶用黃牛。鋒銳甲堅。則人輕戰。故曰。鞶用黃牛。足可以有為也。詩云。赳赳武夫。公侯干城。此之謂也。



以離變乾。自革之夫。

六二大人虎變。未占有孚。

變乾為君。故曰。大人。先是離為

火。火不可即。虎也。後變乾剛。剛不可禦。又虎也。故曰。虎變。居則觀其象。是離虎。動則觀其變。而玩其占。是乾虎。故曰。未占有孚。武王曰。朕夢協朕卜。襲于休。祥。戎商必克。

故曰。大人虎變。未占有孚。詩云。上帝臨汝。無貳爾心。此之謂也。象曰。大人


虎變其文炳也。離為文明。變乾為大赤。盛

文炳也。以離變乾。文明以健。中正而應。君

子正也。武王一怒而安天下之民。故曰。大

人虎變其文炳也。詩云。既有淫威。降福孔

夷。此之謂也。

以離變震。自革之隨。

九三。征凶。貞厲。革言三就。有孚。離為戈兵。變震為決。

躁乃造矢也。矢乃戈兵之中最可畏之器也。故曰：征凶貞厲。離為五行二曰火配五事二曰言。故曰：革言離數三。故曰：三就離其於木也為科上槁。造矢一言桿就直也。離為雉。造矢二言羽就齊也。離為火。造矢三言鏃就銳也。桿就直羽就齊鏃就銳。故曰：革言三就。桿言就直則去之者準。羽言就齊則發之者速。鏃言就銳則射之者深。故曰：革言三就有孚。矢人唯恐不傷人。故曰：征凶貞厲。革言三就有孚。詩云：決拾既飲。弓矢既調。射夫既同。助我舉柴。此之謂也。

象曰：革言三就，又

何之矣。

斟酌再再考驗二三故曰革言三

不言言言俱中故曰革言三就又何之矣夫人

詩云發彼有的以祈爾爵此之謂也

三三

以兌變坎革之既濟

九四悔亡有孚改命吉

兌澤停鹵變坎水流甘革而當其悔

乃亡故曰悔亡以兌變坎自成澤中有水

節天地節而四時成符此天地革而四時

成故曰有孚改命天地合德日月合明四

時合序故曰吉湯武革命順乎天而應乎

人。故曰。悔亡。有孚。改命。吉。詩云。周雖舊邦。其命維新。此之謂也。象曰。改命。

之吉。信志也。

成湯爰革。夏正。周武乃反商。政。故曰。改命之吉。成湯討桀。

而夏民喜悅。周武伐紂。而殷人不非。故曰。信志也。革之時。用大矣哉。故曰。改命之吉。信志也。詩云。天監在下。有命既集。此之謂也。

䷰

以兌變震。自革之豐。

九五。君子豹變。小人革面。征凶。居貞吉。

震變


為長男。乃儲君也。故曰：君子震為玄黃。故曰：豹變。武王一戎衣。故曰：君子豹變。兌正西。變震正東。故曰：革面。乃前徒倒戈。故曰：小人革面。誅其君。故曰：征凶。而弔其民。故曰：居貞。若時雨降。民大悅。故曰：吉。取之而燕民悅。則取之。古之人有行之者。武王是也。故曰：君子豹變。小人革面。征凶。居貞吉。詩云：執競武王。無競維烈。此之謂也。

象曰：君子豹變，其文蔚也。小人革面，順以

從君也。

變震東春青陽之色。蔚然燦爛。故曰：君子豹變。其文蔚也。名正言順。

能使人悅服。故曰。小人革面。順以從君也。救民於水火之中。簞食壺漿。以迎王師。豈有他哉。避水火也。故曰。君子豹變。其文蔚也。小人革面。順以從君也。詩云。我徂維求定。時周之命。此之謂也。



以兌變乾。革之同人。

上六。已日乃革之。征吉無咎。


後天八卦之方位次序。乾。

坎。艮。震。巽。離。坤。兌。始乾終兌。到兌為已。故曰。已日。動而變乾。終則有始。故曰。乃革之。

終則有始。天行也。故曰：「征吉。」順天者昌。故曰：「無咎。」武王末受命。故曰：「已日。」乃革之。征吉。無咎。詩云：「哀時之對。」時，周之象曰：「已日。」

命。此之謂也。
革之行有嘉也。上合天意。下順民情。故曰：「行有嘉也。」君子及時。方敢

受命。故曰：「已日。」革之行有嘉也。詩云：「周雖舊邦。其命維新。」有周不顯。帝命不特。


巽下
離上

鼎元亨。革去故也。革物者莫若鼎。故受之以鼎。鼎取新也。為卦巽木入于下。

離火麗于上。木入于下。火麗于上。烹飪炊
爨之象。故曰鼎。大禹鑄九鼎。以象九州。武
王遷九鼎於洛邑。乃以有九有之師。王者
受命之器也。故曰元。一人有慶。兆民賴之。
故曰亨。聖人大寶曰位。故曰鼎。元亨。
詩云。肆于時夏。允王保之。此之謂也。象曰。
木上有火。鼎。君子以正位凝命。木上有火。
本也。故曰木。上有火。鼎。君子務本。命乃位
之本也。故曰君子以正位凝命。何以生火。
曰木。何以保位。曰命。故曰木上有火。鼎。君
子以正位凝命。詩云。命不易哉。無曰高高

在上。陟降厥士。日監在茲。此之謂也。

三三三

以巽變乾。鼎之大有。

初六鼎玉鉉大吉無不利。

巽為白。變乾為玉。故曰玉。變乾

為天。天覆下。故曰鉉。夫鼎。貴器也。夏瑚商璉。周簠簋。故曰鼎。玉鉉。變乾知大始。故曰大。聖人烹以享上帝。而大烹以養聖賢。故曰大吉無不利。變乾為君。惟辟玉食。惟辟作福。故曰鼎玉鉉大吉無不利。詩云。受小球大球。為下國綴旒。此之謂也。象曰。

玉鉉在上剛柔節也

鉉乃鼎之上蓋故曰玉鉉在上玉之質至

剛玉之色至柔體剛用柔故曰玉鉉在上剛柔節也詩云不剛不柔敷政優優



以巽變艮自鼎之旅

九二鼎顛趾利出否得妾以其子無咎

變來

艮覆碗動去巽為臭因錯悞而成功故曰鼎顛趾利出否巽為勿用取女故曰妾勿用取女變出艮為少男從侍賤而生貴故曰得妾以其子錯悞成功侍賤生貴乃善

補遇也。故曰。無咎。鼎取新也。此爻乃故舊無大故。則不棄也。又無求備於一人。及其使人也。棄之。又能觀過各黨。遇以知仁。君子之道。忠恕而已矣。故曰。鼎顛趾。利出否。得妾以其子。無咎。詩云。采芣菲。無以下體。此之謂也。

象曰。鼎顛趾。

未悖也得妾以其子以從貴也。

雖顛趾而未折足。乃

出否並非覆餗。故曰。鼎顛趾。未悖也。賤妾能生貴子。母因子而貴焉。故曰。得妾以其子。以從貴也。此九二雖賤而賢。勝於九四貴而不肖者遠矣。故曰。鼎顛趾。未悖也。得

妻以其子。以從貴也。詩云。終溫且惠。淑慎其身。此之謂也。




以巽變坎。鼎之未濟。

九三。鼎耳革。其行渥。雞膏不食。有孚吉。

變坎

為耳。故曰耳。鼎取新也。故曰革。巽坎為水。可以滌潔。故曰行渥。夫鼎乃養聖賢之卦。致其新。致其潔。用上敬下。謂之尊賢。故曰鼎耳革。其行渥。巽為雞。變坎為血卦。故曰雞膏。君賜腥。必熟而薦之。故曰不食。榮其賜。拜其養。用下敬上。謂之貴貴。故曰雞膏。

不食。貴貴尊賢。其義一也。故曰。有孚吉。君使臣以禮。臣事君以忠。上下相報若此。故曰。鼎耳革。其行渥。雞膏不食。有孚吉。詩云。既載清酤。賚我思成。亦有和羹。既戒既平。此之謂也。象曰。鼎耳革。信如何也。變坎為行險。故曰。信如何也。夫行險尚不失其信。若到享上帝。養聖賢。其信尤篤焉。故曰。鼎耳革。信如何也。詩云。我有旨酒。以宴樂嘉賓之心。此之謂也。



以離變艮。自鼎之蠱。

九四鼎折足覆公餗其行塞凶

變來艮覆碗動去離

為乾因貪鄙而敗類故曰鼎折足覆公餗

變艮止徑路故曰行塞因器滿則傾陷其

竊位者與故曰其行塞倖臣在位尸位素

餐故曰凶子曰德薄而位尊智小而謀大

力小而任重鮮不及矣言不勝其任者也

故曰鼎折足覆公餗其行塞凶詩云式夷

式已無小人殆瑣瑣姻婭

象曰覆公餗失

則無膺仕此之謂也

其義也

不仁而在高位故曰失其義也雖貴而不肖而比於賤而賢者恥乎

不恥乎。故曰。覆公餗。失其義也。詩云。赫赫



以離變乾。自鼎之始。

六五鼎革。日金鉉利貞。

離為目。故曰。目。鼎。取新也。故曰。革。變。

闕戶謂之乾。乃新其火門也。故曰。鼎。革。目。變。乾。為。金。故曰。金。乾。為。天。天。蓋。高。故曰。鉉。鼎。乃。養。聖。賢。之。器。不。可。不。新。之。也。不。可。不。貴。之。也。又。不。可。不。重。鎮。之。也。故曰。鼎。革。目。金。鉉。新。之。貴。之。重。之。以。待。利。物。足。以。合。義。者。之。聖。以。待。貞。固。足。以。幹。事。者。之。賢。故曰。

利貞。夫賢乃國家寶。儒為席上珍。巽而耳目聰明。柔進而上行。是以元亨。故曰鼎革。目金鉉。利貞。詩云。時維阿衡。實左右商王。此之謂也。

象曰

鼎革。目金鉉。慎所之也。金之玉之。貴之重之。故曰慎所之也。

不可輕舉。不可濫與。宰相位居台鉉。即官上應列宿。舉必真聖。與必實賢。故曰鼎革。目金鉉。慎所之也。詩云。我求懿德。肆于時夏。允王保之。此之謂也。



以離變震。自鼎之恒。

上九鼎有實婚媾有言無咎

離為鯢為蠚。變震為蒼筤。

竹為荏葦其穀維何。魚鯢鮮魚其菽維何。維筍及蒲故曰鼎有實。離中女變震長男。故曰婚媾離為五行二曰火配五事二曰言。故曰有言。離變震明以動有媒妁之言也。故曰婚媾有言。鼎有實器不虛也。婚媾有言合不苟也。故曰無咎。變震長男為主器欲主其器必合二姓之好以繼先聖之後也。此謂不喪匕鬯。故曰鼎有實。婚媾有言無咎。詩云於呼皇象曰鼎有實中王繼序思不忘此之謂也。

周易卷下

鼎

十七

以爲實也。婚媾有言。終無尤也。

先是離正南之中。後

變震正東之中。以中填中。故曰。鼎有實中。

以爲實也。離正南中女。女家正也。震正東

長男。男家正也。離明變震動。明媒正娶。故

曰。婚媾有言。終無尤也。明以動豐。豐者大

也。人道大婚爲大。大婚之禮爲大。故曰。鼎

有實中。以爲實也。婚媾有言。終無尤也。詩

云。大邦有子。俔天之妹。文定厥祥。親迎于

渭。此之謂也。



震上。震下。

震亨。震來虩虩。笑言啞啞。震驚百里。不喪

匕鬯。

鼎者器也。主器者莫若長子。故受之

以震。震者動也。為卦一陽過二陰之

下。象坤為地。土中壓氣也。土中壓氣。勢必

奮發。一發而不可遏。其象為雷。雷有半年

之不鳴。一鳴則驚人。故曰震萬物出乎震。

故曰震亨。震為粍。雷乃發聲。蟄蟲咸動。唯

蠃虎先出。故曰震來虩虩。震為玄黃。雷乃

發聲。則玄鳥至。蒼庚鳴。故曰笑言啞啞。一


陽若動。則老陽餘策三十六焉。合不動二

少陰。餘策六十四。合而成百矣。故曰百老

陽動變少陰。戒三畫之坤為地也。指地土而言。故曰百里。先聲有奪人之勢。故曰震驚百里。震為反生。則來牟全發矣。來牟發則造麴之苗有矣。故曰不喪匕鬯。天地之大德曰生。生生莫大乎春。天地有春發如父母。有孝子也。故曰震亨。震來虩虩笑言啞啞。震驚百里。不喪匕鬯。詩云威儀孔時。君子有孝子。孝子不匱。永錫爾類。此之謂也。

象曰洊雷震君子以恐懼修省。
洊雷者此動聲彼應聲也。故曰洊雷震。迅雷風烈必變。故曰君子以恐懼修省。天變而人效之。人行而天

應之。君子畏天命。故曰。游雷震。君子以恐懼修省。詩云。畏天之威。于時保之。

以震變坤。自震之豫。

初九。震蘇蘇。震行無眚。

震動變坤。衆雷乃發聲。蟄蟲咸動矣。

故曰。震蘇蘇。三冬閉宿。一旦驚起也。故曰。

震行無眚。於人為向往。困心衡慮。而今微

色發聲焉。故曰。震蘇蘇。震行無眚。詩

云。天之牖民。如堦如筮。此之謂也。

象曰。

震蘇蘇。恐致福也。

一驚則活。故曰。恐致福也。若藥不瞑眩。厥疾不

彥故曰震蘇蘇恐致福也詩云攜無曰益
牖民孔易此之謂也



以震變兌
震之歸妹

六二震來厲億喪貝躋于九陵

震東變兌
西江往東


灌海返西潮其來甚猛故曰震來厲海之
回潮按日有一定之時刻人可逆知故曰
億潮水澎湃有許多海物蚌羸介蟲皆是
腹有珍珠之物拋棄于禹貢導江近海之
處九江東陵之兩岸故曰喪貝躋于九陵
物極則反器滿則傾故曰震來厲億喪貝

躋于九陵。詩云：江有汜，之子歸，不我以。不我以，其後也悔。此之謂也。象曰：震

來厲乘剛也。故曰：乘剛也。陽氣鼓陰質，雷

聲動水聲，是以潮頭欲過，滿江風。故曰：震

來厲乘剛也。詩云：如雷如霆，徐方震驚。


 以震變離。自震之豐。

六三：震用伐鬼方，勿逐，七日得。變離為戈，兵故曰：用

伐。震為雷，鞀鼓金鐸，所以威耳。變離為文，明旌旗麾幟，所以威目。震變離，自成噬嗑。

明罰敕法。所以威心。故曰。震用伐。變離正南。蠱爾蠻荆。故曰。鬼方耳。威於聲。目威於色。心威於刑。三者既立。足能克敵。故曰。震用伐。鬼方。先聲有奪人之勢。不戰而屈人之兵。故曰。勿逐。變離為日。故曰。日。震四變離三。故曰。七日。勝兵先勝而後求戰。計日可以成功。故曰。勿逐。七日得。震雷變離火。乃猛火也。天吏逸德。烈于猛火。故曰。震用伐。鬼方。勿逐。七日得。詩云。如火烈烈。象曰。七日得。以中也。震正東之中。變離正南之中。故曰。以中也。七乃十二支之

分中。故曰。七日得。以中也。詩云。定之方中。作于楚宮。揆之以日。作于楚室。此之謂也。



以震變坤。自震之復。

九四震遂泥。方雨虧晦終吉。

震動變坤地。故曰。遂泥。震

為蒼筤竹。為萑葦。竹破地出筍。葦拔土伸。荏故曰。震遂泥。在正月始雨水。月虧月晦。正月盡之際。則萌動矣。故曰。方雨虧晦終吉。震亨。震而亨也。人道敏政。地道敏樹。夫政也者。蒲蘆也。故曰。震遂泥。方雨虧晦終吉。詩云。敦彼行葦。牛羊勿踐履。方苞方體。

維葉泥泥。此之謂也。

象曰：震遂泥，未光也。

繞出土故曰未光也。

天造草昧，生氣將萌，故曰：震遂泥，未光也。詩云：二月初吉，載離寒暑，此之謂也。



以震變兌，自震之隨。

六五：震往來，厲億無喪有事。

震仲春，變兌正秋，震東出。

變兌西入，日往則月來，月往則日來，寒往則暑來，暑往則寒來，故曰：往來，天工人其代之。故曰：震往來，日月往來，催人易老，故曰：厲，數往者順，知來者逆，故曰：億，往者不

可諫來者猶可追故曰無喪有事日月逝矣歲不我與故曰震往來厲億無喪有事詩云我日斯邁而月斯征夙興夜寐無忝爾所生此之謂也

象曰震往

來厲危行也其事在中大無喪也

尺璧非寶寸陰

是竟故曰震往來厲危行也春耕秋斂無非事者故曰其事在中大無喪也君子而時中天下無難事故曰震往來厲危行也其事在中大無喪也詩云溫恭朝夕執事有恪此之謂也

三三

以震變離
震之噬嗑

上六震索索視矍矍征凶震不于其躬于

其鄰無咎

震為龍變離為鯢為蠃為龜為蚌為贏五物震來皆會粒死故

曰震索索震去莫不偷視故曰視矍矍蛟

龍闢海吞魚故曰征凶不吞會粒死之宿

介故曰震不于其躬只吞不避難之游鱗

故曰于其鄰無咎驚遠懼邇殺此畏彼故

曰震索索視矍矍征凶震不于其躬于其

鄰無咎詩云豈不爾思畏子不敢此之謂

也。象曰：震索索，位不當也。雖凶無咎，畏鄰

戒也。震正東，變離正南，非對面受敵之卦。故曰：震索索，位不當也。乃旁邊臨驚

之遇，故曰：雖凶無咎，畏鄰戒也。一家有事，

四鄰不安，恐有株連，担驚不免矣。故曰：震

索索，位不當也。雖凶無咎，畏鄰戒也。詩云：

大夫君子，無我有尤。此之謂也。

 艮上

艮其背，不獲其身，行其庭，不見其人，無咎。

震者動也。物不可以終動。止之。故受之以艮。艮者止也。為卦象坤為地。而上剛隆起。其象為山。山乃根生。不可移之物。故曰艮。艮乃三索而得男之卦。一索子。再索孫。三索乃曾孫也。曾孫維主。追贈三代。考妣宗親。係祭主也。祭主對沒世者而言。故曰艮。其背只見木主。窆靈。其音容笑貌何在。故曰不獲其身。艮為手。重艮乃左右手。衣前。後。襜如也。趨進翼如也。之象。故曰行。艮為門闕。故曰庭。君子入廟如右。登自阼階。仰視榱桷。俯察几筵。其器皆存。而不觀其人。故曰行其庭。不見其人。君以此思哀。則哀。

可知矣。知哀則思敬矣。艮位寅。寅者敬也。故曰。無咎。春秋修其祖廟。陳其宗器。設其裳衣。薦其時食。故曰。艮其背。不獲其身。行其庭。不見其人。無咎。詩云。念茲皇祖。陟降庭止。維予小子。夙夜敬止。此之謂也。

象曰。兼山艮。君子以思不出其位。兼山者。有是山則有是影也。故曰。兼山艮。表正則影亦正。體斜則影亦斜。故曰。君子以思不出其位。如影隨形。事誠在我。故曰。兼山艮。君子以思不出其位。詩云。其誰知之。蓋以勿思。此之謂也。

三三

以艮變離
自艮之賁

初六艮其身無咎

變離其於人也為大腹
大腹人則懶動故曰艮

其身人不好動則過失總少故曰無咎
艮其止變離禮止乎禮義非禮勿動故曰艮其

身無咎詩云豈敢憚行
畏不能極此之謂也

象曰艮其身止諸

躬也

頭容欲直耳容欲靜目容欲定口容
欲止腹容欲正手容欲恭足容欲重

坐如尸立如齋故曰止諸躬也
君子莊敬日彊心官為主百體從令故曰艮其身止

諸躬也。詩云：凡百君子，各敬爾身。此之謂也。



以艮變巽。自艮之蠱。

六二：艮其腓，不拯其隨，其心不快。

變巽為股。股下。

則腓。艮為閤。閤人，則足。足，則則腓不能舉矣。故曰：艮其腓，獲逃亡而應罪。此，則其足任其再逃。故曰：不拯其隨。變巽為不果。其逃亡之心歇矣。故曰：其心不快。有一罪，則有一刑。有一材，則有一用。用以守宮門外，止入。故曰：艮其腓，不拯其隨，其心不快。詩


云。廢為殘賊。莫知其尤。此之謂也。

象曰。不拯其隨。未退聽。

也。若立則跪。若行則扒。故曰。未退聽也。縱

之使逃。則不逃焉。故曰。不拯其隨。未退

聽也。詩云。靜言思之。不能奮飛。此之




以艮變坤。自艮之剝。

九三。艮其趾。無咎。

人首奇而圓。象天。足耦而方。象地。變坤為地。足

踏實地。故曰。趾。足容欲重。故曰。艮其趾。怯步者。而寡過。故曰。無咎。君子知衆人之不

可上也。故下之。知衆人之不可先也。故後之。故曰：艮其趾，無咎。詩云：君子實維，秉心無競。此之謂也。象曰：艮其趾，未失止也。時止則止，止故曰：未失止也。變坤後，順得常，是以足蹢蹢，如有循。故曰：艮其趾，未失止也。詩云：淑慎爾止，不愆于儀。此之謂也。

 以艮變離。自艮之旅。

六四：艮其輔，言有序，悔亡。艮形隆起，象人之鼻。鼻分法令。

之紋。故曰輔。口容欲止。所以留髭。故曰艮。
其輔。變離為五行。二曰火。配五事。二曰言。
故曰言。艮止。變離言。止然後言。其言不亂。
故曰有序。髭欲其根。根見肉。言欲其字。字
循理。故曰言有序。夫人不言。言必有中。故
曰悔亡。君子於其言。無所苟而已矣。故曰
艮其輔。言有序。悔亡。詩云。其容不改。出言
有章。行歸于周。萬民所望。此之謂也。
象曰艮其輔以中正也。變離位正南。故曰
以中正也。鼻尖曰準頭。唇上曰人中。故曰艮其輔以中正也。
詩云。我觀之子。維其有章矣。此之謂也。

三三

以艮變巽。自艮之漸。

六五艮其限列其夤厲熏心。

變巽為股。股夾則限。限墜。

則夤。艮為寺。寺人翦去人陽。割列外腎。故曰。艮其限。列其夤。變巽其究為蹢。故曰。熏。犯淫邪者罪此。有蹢痛熏心之危苦。故曰。厲。熏心。有一犯則有一懲。有一器則有一處。處以守宮門內止出。故曰。艮其限。列其夤。厲。熏心。詩云。其類維何。室家之壺。此之謂也。象曰。艮其限。危熏心也。從此人道已絕。故曰。艮其限。法。

所當行。何犯何受。故曰。艮其限。危熏心也。詩云。心之憂矣。其毒太苦。此之謂也。



以艮變坤。自艮之謙。

上九敦艮吉。利永貞。

變坤為地。安土敦乎。仁。故曰。敦。仁者樂山。

故曰。敦艮。仁者壽。故曰。吉。仁者靜。故曰。敦。

艮吉。變坤為安貞吉。故曰。利永貞。君子敦。

厚以崇禮。故曰。敦艮吉。利永貞。詩云。天保。

定爾。以孔之固。此之謂也。

象曰。敦艮之吉。以厚終也。

終變來是坤厚。載物。故曰。以厚。

終也。一曰壽。二曰富。三曰康寧。四曰攸好德。五曰考終命。故曰敦艮之吉以厚終也。詩云如南山之壽不騫不崩如松柏之茂無不爾或承此之謂也。



艮下
巽上

漸女歸吉利貞

艮者止也。物不可以終止。故受之以漸。漸者進也。為

卦上卦巽為高。下卦艮為山。乃高山也。君子之道譬如行遠必自邇。譬如登高必自卑。故曰漸。巽為長女。在艮為門闕之外。養女終是外姓。故曰女歸。女大不終留。故曰

女歸吉。齊子巽。成言乎。艮以齊。成為賢。故曰。利。艮為手。巽為工。以手工為尚。故曰。貞。女子生而願為之有家。女歸待男行也。豈驟然遽進之事。故曰。漸。女歸吉。利貞。詩云。之子于歸。宜其家室。此之謂也。

象曰。山上有木。漸。君子以

居賢德善俗。

山上有木。乃待其日夜之所息。雨露之所潤焉。故曰。山上

有木。漸。夫子循循然。善誘人。故曰。君子以居賢德善俗。木動則風生。爾惟風下民惟草。故曰。山上有木。漸。君子以居賢德善俗。詩云。愷悌君子。四方為則。此之謂也。

三三

以艮變離。漸之家人。

初六鴻漸于磐。小子厲有言。

句無咎。

漸有序之

卦也。鴻有序之鳥也。聖人設卦觀象繫辭。觀此有序之卦。繫彼有序之鳥也。故漸卦六爻以六鴻取象焉。為卦上卦巽為白。本有鴻象。下卦艮止。言其鴻之所止也。六爻之變。乃旁通其所止之處也。此爻以艮石變離火。乃發火之石。砒石疏石也。故曰磐。鴻好擇砒疏而止之。藉以煖足。故曰鴻漸于磐。艮為少男。故曰小子。變離為火。嚴不

可狎。故曰：厲，離為五行二曰火，配五事二。曰：言，故曰：言為人子者，不苟訾，不苟笑，無戲言，無亂道。故曰：小子厲，有言，鴻漸于磐，知其所止也。小子厲，有言，明其所信也。故曰：無咎，鴻之為物也，其特立有如此者，可以人而不如鳥乎？故曰：鴻漸于磐，小子厲，有言，無咎。詩云：肆成人有德，小子有造，此之謂也。

義無咎也。鴻乃信鳥，人言為信，故曰：小子之厲，信近於義，言可復也。故曰：小子之厲，義無咎也。詩云：無易由言，無曰苟矣，此之謂也。

象曰：小子之厲。

三三

以艮變巽。自漸之巽。

六二鴻漸于木。或得其桷。無咎。

變巽為木。故曰鴻漸。

于木。變巽為不果。故曰或。鴻掌連皮。不會登枝。多不漸木。唯松桷有桯。可以漸之。故曰或得其桷。止而巽。動不窮。故曰無咎。良禽擇木而棲。君子隨寓而安。故曰鴻漸于木。或得其桷。無咎。詩云。衡門之下。可以棲遲。泌之洋洋。可以樂飢。此之謂也。

象曰。或得其桷。順以巽也。

卦係山上有木。漸。此爻以艮變

巽。巽蓋艮上。自成仍是山。上有木漸。故曰。順以巽也。可以止則止。可以漸則漸。故曰。或得其楠。順以巽也。詩云。無怨無惡。率由群匹。此之謂也。



以艮變坤。自漸之觀。

九三。鴻漸于陸。夫征不復。婦孕不育。凶。利。

禦寇。

變坤為地。故曰。鴻漸于陸。九陽爻。艮陽卦。既動矣。故曰。夫征。老陽動。變少。

陰。艮陽動。變坤陰。陽不再見矣。故曰。不復。乃雄雁失群。而不返焉。故曰。夫征不復。雄。

雁不返。其不再醮之雌雁。所生之卵。是寡
卵。孚抱不出矣。故曰。婦孕不育。乃流離失
所。死別生離之苦焉。故曰。凶。雁隊之中。唯
孤寡者。支驚。故曰。利禦寇。三軍可奪帥也。
匹夫不可奪志也。故曰。鴻漸于陸。夫征不
復。婦孕不育。凶。利禦寇。詩云。汎彼柏舟。在
彼中河。髡彼兩髦。實維我儀。象曰。夫征不
之。死矢靡他。此之謂也。

復離群醜也。婦孕不育。失其道也。利用禦

寇。順相保也。

失其方。以類聚。作為物以群
分。故曰。夫征不復。離群醜也。

失其一陰一陽之謂道。不能繼之者善也。成之者性也。故曰婦孕不育。失其道也。莫非命也。順受其正。在我守也。永固其貞。故曰利用禦寇。順相保也。不知命。無以為君子也。修身以俟之。所以立命也。故曰夫征不復。離群醜也。婦孕不育。失其道也。利用禦寇。順相保也。詩云。已焉哉。天實為之。謂之何哉。此之謂也。



以巽變乾。自漸之遞。

六四鴻漸于逵。其羽可用為儀。吉。

變乾為天。為寒。

雁陣驚寒。聲斷衡陽之浦。故曰鴻漸于逵。飛天則長幼有序。落地則夫婦有別。故曰其羽可用為儀。夫君子所遇者化。故曰吉。天邊雁行有序。人間弟兄尚齒。故曰鴻漸于逵。其羽可用為儀。吉。詩云鴻象曰其羽雁于飛。肅肅其羽。此之謂也。

可用為儀吉不可亂也

曰有一定之排行故

有排行人豈可無倫次必使彙倫攸叙故曰其羽可用為儀吉不可亂也詩云威儀抑抑德音秩秩無怨無惡率由群匹此之謂也



以巽變艮。
自漸之艮。


九五鴻漸于陵婦三歲不孕終莫之勝吉。

變艮為山。故曰鴻漸于陵。巽長女。變艮少男。乃生男子。新產之婦也。新產之婦乳哺三年。其三年天癸不至。故曰婦三歲不孕。乃生男子。室家君王將來。夫死從子。故曰終莫之勝。占弄璋之喜也。故曰吉。婦人以生子為尚。生子死則殯。夫祭則祔姑。故曰鴻漸于陵。婦三歲不孕。終莫之勝。吉。詩云。惠我無疆。子孫保之。此之謂也。

象曰終莫之勝吉得所願也

丈夫生而願

子生而願為之有家故曰得所願也願有室願有家所願有子也今既生子矣故曰終莫之勝吉得所願也詩云威儀孔時君子有孝子此之謂也



以巽變坎自漸之蹇

上九鴻漸于干飲食衎衎吉

變坎為水故

雁到河干有水有食故曰飲食巽風變坎水風聲動水聲故曰衎衎鴻得飲食必喚

群呼衆。故曰。飲食衎衎。有惠心之德。故曰。吉。鳥能推愛。不肯獨食。於人爲孝。友於兄弟之象。故曰。鴻漸于干。飲食衎衎。吉。詩云。儻爾籩豆。飲酒之飲。兄弟既具。和樂且孺。此之謂也。**象曰。飲食衎衎。不素飽也。**弗敢專也。必以分人。故曰。飲食衎衎。山上有木。漸。君子以居賢德善俗。其君用之。則安富尊榮。其子弟從之。則孝悌忠信。不素餐兮。孰大於是。故曰。飲食衎衎。不素飽也。詩云。飲之食之。教之誨之。此之謂也。

䷲

震上。兌下。

歸妹。征凶。無攸利。

漸者進也。進必有所歸。

之終也。為卦震長男。兌少女。少長非偶。乃

妾接也。故曰歸妹。悅以動。故曰征。女歸不

待男行。奔則為妾。故曰征凶。少女奔嫁。長

男。豫見早寡。長男而納少女。豈無閨怨。故

曰無攸利。人各有偶。非匹偶而相從。故曰

歸妹。征凶。無攸利。詩云及爾偕老。老使我

怨。此之

謂也。

象曰澤上有雷歸妹君子以永終

知敝

澤上有雷。潮聲大作。海回灌江也。故曰。澤上有雷。歸妹。到頭有變。必反其

常

故曰。君子以永終知敝。物極則反。器滿

則傾

人無遠慮。必有近憂。故曰。澤上有雷。歸妹。君子以永終知敝。詩云。秉心宣猶。考

慎其相

此之謂也。歸妹。以兌變坎。以兌變坎。歸妹之解。

初九

眇能視。跛能履。利幽人之貞。變坎為

一作而不兩

故曰。眇。水便行下而難上。故

曰。跛

運一目視平直更準。故曰。眇能視。架

水

水明

變坎為

利幽人之貞

利幽人之貞

變坎為

變坎為

利幽人之貞

一。拐。走。高。下。無。蹶。故。曰。跛。能。履。兌。澤。沉。潛。
故。曰。幽。人。變。坎。為。勞。卦。故。曰。之。貞。眼。慢。脚。
遲。之。人。作。不。出。鹵。莽。滅。裂。反。能。保。重。成。功。
故。曰。利。幽。人。之。貞。夫。歸。妹。乃。納。妾。之。卦。也。
妾。者。接。也。尚。婦。工。而。不。尚。婦。容。故。曰。眇。能。
視。跛。能。履。利。幽。人。之。貞。詩。云。采。芣。采。菲。無。
以。下。體。此。象。曰。利。幽。人。之。貞。未。變。常。也。兌。
之。謂。也。變。坎。水。仍。然。潤。下。故。曰。未。變。常。也。安。靜。人。
作。事。仍。舊。貴。守。成。規。以。順。為。正。者。妾。婦。之。
道。焉。故。曰。利。幽。人。之。貞。未。變。常。也。詩。云。不。
愆。不。忘。率。由。舊。章。此。之。謂。也。

䷵

以兌變震。歸妹之震。

九二歸妹以娣征吉。

卦係澤上有雷歸妹。此爻以兌變震。震蓋

兌上自成。仍是澤上有雷。歸妹乃安於娣。

媵之分也。故曰歸妹以娣。變震者動也。故

曰征。君子素其位而行。故曰征吉。賤不妨

責小。不加大。故曰歸妹以娣。征吉。詩云。肅

肅宵征。夙夜在公。寔

命不同。此之謂也。

象曰歸妹以娣以恒。

也。征吉相承也。

妹素貧賤。行乎貧賤。故曰歸妹以娣。以恒也。君子無入

而不自得焉。故曰：征吉，相承也。在下位，不
援上。故曰：歸妹，以娣，以恒也。征吉，相承也。
詩云：抱衾與裯，寔命不猶。此之謂也。



以兌變乾，歸
妹之大壯。

六三：帝乙歸妹，其君之袂，不如其娣之袂。

艮月幾望吉。

變乾為君，故喻商王帝乙。帝
女罔有攀娶者，必須下嫁，故

曰：歸妹，乃天子之行釐降也。故曰：帝乙歸
妹，變乾為君，指其主婦，故曰：其君，變乾為

上服曰衣。故曰之袂。變乾為大赤。乃著一領。大紅宮袍也。純紅一色。並無雜彩。乃貴人之衣也。故曰其君之袂。未變兌為妾。指陪房也。故曰其娣。兌為澤。潤色華彩。乃賤者之衣也。故曰其娣之袂。主婦舒袖。不顯其顧繡。鑲緣。陪房挽袖。乃露其花邊。賁飾。故曰其君之袂。不如其娣之袂良。兌上缺。變乾為圓。故曰月幾望。月乃天上之陰尊也。帝女乃人間之陰尊也。故曰月幾望。吉。以兌變乾。自成上天下澤。履君子以辨上下。定民志。辨上下。只在一舒袖一挽袖之分別。誰是主婦。誰是陪房。使人立辨矣。故

曰。帝乙歸妹。其君之袂。不如其娣之袂良。月幾望。吉。詩云。淑人君子。其儀不忒。此之謂也。象曰。其君之袂。不如其娣之袂良者。其

位在中。以貴行也。素富貴。行乎富貴。故曰。其位在中。以貴行也。君

貴尚純。端嚴主婦。娣賤尚麗。華彩陪房。故曰。其君之袂。不如其娣之袂良者。其位在中。以貴行也。詩云。我觀之子。維其有章矣。此之謂也。

以震變坤。歸妹之臨。

九四歸妹愆期遲歸有時。

以震卯仲春變到坤申孟秋故。

曰愆期非不欲嫁也。又惡不得其良故曰。

歸妹愆期變坤至靜而德方。後得主而有

常。故曰遲歸有時。夫良人者所仰望而終

身焉。非欲速之事也。輕許有失。欲速不達。

故曰歸妹愆期遲歸有時。詩云匪我愆期。

子無良媒。此之謂也。

彖曰愆期之志有待而行也。

沽之哉。我待價者也。嫁之

哉。我待求者也。故曰有待而行也。待父母之命。待媒妁之言。待人家行聘。故曰愆期。

之志。有待而行也。詩云。何其久也。必有以也。此之謂與。

三三

以震變兌。歸妹之兌。

六五歸妹以須。反歸以娣。

本是震長。原須待人娶。則為妻。

故曰。歸妹以須。不合。變成兌少。而竟奔。則為妾。故曰。反歸以娣。震動。變兌悅。動而悅。隨女犯隨字。乃趨炎附勢。媾貌淫奔之女。不肯為寒門之正室。情願作富家之小星。此女之賤莫甚焉。故曰。歸妹以須。反歸以娣。詩云。以爾車來。以我賄遷。此之謂也。

象曰。反歸以娣。未當也。

動而失宜。故曰。未當也。將大就小。把

一個須字失了。故曰。反歸以娣。未當也。詩云。女之耽兮。不可說也。此之謂與。



以震變離。歸妹之睽。

上六女承筐無實。士刲牛無血。無攸利。

震

竹葦仰孟。故曰。筐。變離為中女。故曰。女承筐。筐有實。則塞暗。變離為文明。離中虛。乃透亮。空筐焉。故曰。無實。女廢蠶桑。故曰。女承筐。無實。震長男。故曰。士。變離為畜牝牛。

故曰。士。剗牛。變離為乾卦。故曰。無血。士。曠耕耨。故曰。士。剗牛。無血。女。廢蠶桑。則衣不給。士。曠耕耨。則食不供。乃啼飢號寒之先兆也。故曰。無攸利。男歡女樂。廢時失業。以逸豫滅厥德。故曰。女承筐。無實。士。剗牛。無血。無攸利。詩云。女曰觀乎。士曰既且。且往觀手。消之外。洵胥且樂。維士與女。伊其相謔。象曰。上六無實。承虛筐也。震乃虛聲。變離為虛明。故曰。上六寡矣。故曰。上六無實。承虛筐也。詩云。跂彼織女。終日七襄。雖則七襄。不成報章。皖彼

牽牛。不以服箱。此之謂也。

䷶

離下。震上。

豐亨。王假之。勿擾。宜日中。

歸妹者。歸也。得其所歸者。必大。

故受之以豐。豐者大也。為卦上卦震。其於稼也。為反生。乃秋種之麥也。下卦離。值午。乃麥之熟也。故曰。豐。麥熟。屆夏至。則萬物皆暢。遂而茂焉。故曰。亨。內卦離。為日。故曰。王。五月。天子居明堂太廟。故曰。王假之。宅南交。曰。明都。平秩南訛。故曰。勿擾。日永。星

火以正仲夏。故曰宜日中。王以民為天。民以食為天。不違農時者。乃明王也。故曰豐亨。王假之。勿擾。宜日中。詩云。貽我來牟。帝命率育。此之謂也。

象曰雷電

皆至豐君子以折獄致刑

雷電皆至乃盛夏物齊之時也

故曰雷電皆至豐震雷威斷離電明察故曰君子以折獄致刑有不待秋緩者即行熱決故曰雷電皆至豐君子以折獄致刑詩云夫也不良國人知之此之謂也

豐以離變艮

豐之小過

周易卷下

豐

四十

初九。豐其屋。蔀其家。闐其戶。闐其無人。三

歲不覲。凶。

變艮為門。闐故曰。屋曰家。曰戶。麥之熟也。富歲子弟多賴。富潤

屋焉。故曰。豐其屋。變艮為山。草木生之。乃山居也。故曰。蔀其家。艮為徑路。乃山居之最幽僻也。故曰。闐其戶。闐其無人。先是離數三。故曰。三。後變成始成終之艮。故曰。歲三。歷成始成終。故曰。三。歲。艮其背。故曰。不覲。連三歲。麥熟。連三歲。躲避。故曰。三。歲。不覲。乃積而不散之鄙夫也。故曰。凶。不仁者。不可以長處樂。故曰。三。歲。不覲。凶。深山之

之野人。與木石居。與鹿豕遊。飽食煖衣。逸
居而無教。則近於禽獸。不積草屯糧而為
山寇。即索隱行怪。入於邪魔。故曰。豐其屋。
蔀其家。闔其戶。闐其無人。三歲不覲。凶。詩
云。乃如之人兮。逝不古處。此之謂也。象曰。豐其屋。蔀其家。位
不當也。闔其戶。闐其無人。自藏也。山野村
市面。故曰。豐其屋。蔀其家。位不當也。索居
閒處。沈默寂寥。故曰。闔其戶。闐其無人。自
藏也。却是山居富戶。奈因不學無術。故曰。
豐其屋。蔀其家。位不當也。闔其戶。闐其無

人自藏也。詩云：有芄者狐，率彼幽草。此之謂也。



以離變乾，豐之大壯。

六二：射雉，一矢亡，來章，有慶譽，吉。

離為雉，故曰：雉。

變乾數一，故曰：一。乾為金，故曰：矢。以乾金加蓋離雉之上，乃中箭之雉也，故曰：亡。以離變乾，文明以健，中正而應，君子正也。內體外體正直，發無不中，故曰：射雉一矢亡。變乾為大赤，故曰：章。乾為君，乃君恩丹詔頒來，故曰：來章。射以觀德，中則入選，故曰：

有慶譽吉。王假之。尚大也。故曰。來章有慶
譽。吉。明試以功。車服以庸。故曰。射雉一矢
亡。來章有慶譽。吉。詩云。周王
壽考。遐不作人。此之謂也。

象曰。射雉一

矢亡。天際翔也。來章有慶譽。上逮也。

弋不射宿。

故曰。射雉一矢亡。天際翔也。有功必賞。故
曰。來章有慶譽。上逮也。侯以明之。撻以記
之。格則承之。庸之。故曰。射雉一矢亡。天際
翔也。來章有慶譽。上逮也。詩云。射夫既同。
獻爾發功。發彼有的。以祈爾爵。此之
謂也。



以離變震
自豐之震

九三豐其蔀日中現斗遇其配主雖旬無

咎

以離為日變震為玄黃以蔽之乃日食也故曰蔀日有食之天玄而地黃故曰

豐其蔀離三變震四合而成七乃北斗七

星也故曰斗日有食之陽揜陰發白晝星


出故曰日中現斗卦係雷電皆至豐此爻

以離變震離上蓋震自成仍是雷電皆至

豐爻與卦耦合故曰遇其配主有敵國之

富焉故曰旬乃明以動豐故曰雖旬無咎

日中則昃。月盈則食。天地盈虛。與時消息。而況于人乎。況于鬼神乎。故曰。豐其蔀。日中現斗。遇其配主。雖旬無咎。詩云。既克有定。靡人弗勝。此之謂也。象曰。雖旬無咎。過旬災也。私家敵於公室。若無欺心。故曰。雖旬無咎。然而終是耦國貳君。盛名之下。是難久居。故曰。雖旬無咎。過旬災也。詩云。告爾憂恤。誨爾序爵。誰能執熱。逝不以濯。此之謂也。

以震變坤。豐之明夷。

豐

四三

九四往得疑疾往有尚。

震為決躁。變坤為臣。乃諍諫之臣也。

諍諫之臣。多干主。惡。故曰。往得疑疾。欲為臣。盡臣道。事君有犯而無隱。故曰。往有尚。責難於君。謂之恭。陳善閉邪。謂之敬。吾君不能謂之賊。故曰。往得疑疾。往有尚。詩云。民莫不逸。我獨不敢休。此之謂也。

象曰。往有尚。信以發志。

也。故曰。信以發志也。震動為往。變坤土主信。信而後諫。故曰。往有尚。信以發志也。詩云。敬共爾位。好是正直。此之謂也。

三三 以震變兌。自豐之革。

六五 豐其沛。日中現沫。折其右肱。無咎。變

為澤。故曰沛。日食之甚。則不蒸提。夜露日
墜。故曰豐其沛。日中現沫。變兌為毀折。故
折。兌位西。故曰右。兌乃巽為股之反。故曰
肱。白晝墜露。行者執蓋而舉傘。故曰折其
右肱。日食之甚。則百工歇手。以俟復圓。乃
敬天之渝也。故曰折其右肱。無咎。此時俾
畫作夜之象。故曰豐其沛。日中現沫。折其
右肱。無咎。詩云。日居月諸。下土是冒。此之

也。謂象曰：豐其沛，不可大事也。折其右肱，終

不可用也。

日食之日，不送葬，故曰：豐其沛，不可大事也。日食之時，處必掩

身，故曰：折其右肱，終不可用也。天變而人效之，故曰：豐其沛，不可大事也。折其右肱，終不可用也。詩云：敬天之渝，無敢驅馳。此之謂也。

䷶

以震變離，自豐之離。

上六：豐其蔀，日中見斗。有孚發若，遇其夷。

主吉。

震為蔽日之玄黃。動變離為日。乃日食已畢。生光復圓矣。故曰豐其蔀。日

中現斗。有孚發若。卦係震上離下。此爻以

震變離。自成離上震下也。與本卦相等。故

曰遇其夷主。式法平等。故曰吉。君子之過

也。如日月之食焉。過也。人皆見之。更也。人

皆仰之。故曰豐其蔀。日中現斗。有孚發若。

遇其夷主。吉。詩云明明上天。照臨下土。此

之謂


也。

象曰日中現斗。幽以明也。遇其夷主。

吉行也。

人之過也。各於其黨。故曰日中現斗。幽以明也。觀過斯知仁矣。故曰

遇其夷主。吉行也。當局者迷。旁觀者清。是非之心。人皆有之。故曰。日中現斗。幽以明也。遇其夷主。吉行也。詩云。肆不殄厥愠。亦不隕厥問。此之謂也。



旅小亨旅貞吉

豐者大也。窮大者必失其居。故受之以旅。旅寡親也。

為卦內卦艮為門闕。外卦離為日。門外度日。故曰旅。人離鄉賤。故曰小。東西南北之人。必溫良恭儉讓。以得之。故曰小亨。上卦離為火。配言下卦艮為石。性篤。有言忠信。

行篤敬之象。言忠信。行篤敬。雖蠻貊之邦
行矣哉。故曰。旅貞吉。入國問禁。入鄉問俗。
逢人問氏。道途不爭險易。冬夏不爭煖寒。
君子知衆人之不可上也。故下之。君子知
衆人之不可先也。故後之。旅之時用大矣。
哉。故曰。旅小亨。旅貞吉。詩云。既明且哲。以
保其身。此之謂也。

象曰。火行山上。旅君子以明。

慎用刑而不留獄。

火行山上。過而不停。故曰。火行山上。旅明察如

火。慎重如山。以成信讞。必使毫無疑義。案
無積壓。故曰。君子以明慎用刑而不留獄。

離明艮止。匪佞折獄。惟明克允。故曰。火行山上。旅。君子以明慎用刑。而不留獄。詩云。淑問如皋陶。則泮獻囚。此之謂也。



以艮變離。自旅之離。

初六。旅焚其次。喪其童僕。貞厲。

艮為止所。變離為火。

故曰。旅焚其次。艮為少男。變離為乾卦。故曰。喪其童僕。投店向主人。驕泰走路待跟。隨刻薄。故曰。貞厲。卦係火行山上。旅。此爻以艮變離。自成仍是火行山上。旅。而又

旅。乃旅而無所容。剛愎吝嗇。不達世路。人情之士。言不忠信。行不篤敬。雖州里行乎哉。到處不行。到處不留。故曰。旅焚其次。喪其童僕。貞厲。詩云。不明。爾德。特無背無側。爾德不明。亦無陪。象曰。旅焚其次。亦以傷無卿。此之謂也。

矣。以旅與下。其義喪也。

好得罪。店主。店主惡之。故曰。旅焚其

次。亦以傷矣。竟刻薄。跟隨。跟隨恨之。故曰。以旅與下。其義喪也。其不曉理義。不近人情。有如此者。不但到處不行。到處不留。而且是人。不跟。是跟必害。驕泰以失之。故曰。

旅焚其次亦以傷矣以旅與下其義喪也詩云枝葉未有害本實先撥此之謂也



以艮變巽自旅之鼎

六二旅于處得其資斧我心不快

艮為止所變巽

者入也乃入所投店之象故曰旅于處變

巽為近利市三倍故曰得其資斧巽為進

退為不果故曰我心不快匹夫懷璧不可


越鄉資斧越厚越耽驚行李愈重愈多累

故曰旅于處得其資斧我心不快詩

云哀我征夫獨為匪民此之謂也

象曰

旅于處未得位也。得其資斧，心未快也。在千日好。出外一時難。故曰：旅于處未得位也。路上押資者皆是取禍人。故曰：得其資斧，心未快也。行商覓利冒險携財。故曰：旅于處未得位也。得其資斧，心未快也。詩云：雄雉于飛，泄泄其羽。我之懷矣，自貽伊阻。此之謂也。


以艮變坤。
自旅之晉。


九三：旅即次，懷其資，得童僕，貞。
艮者止也。變坤為地。

乃行商到其地土。故曰旅即次。艮為小石。變坤為腹。乃珍貴藏入懷中。故曰懷其資。艮少男。變坤者順也。少男効順。故曰得童僕。貞。此爻艮止。變坤順。有忠信以得之之象。艮山。變坤地。自成地中有山。謙謙亨。君子有終。艮手。變坤腹。主人視童僕如手足。童僕視主人如腹心。有不來去平安。而千里保重。宜乎掙金入懷。而發財到家。故曰旅即次。懷其資。得童僕。貞。詩云。象曰得童振振君子。歸哉歸哉。此之謂也。

僕貞終無尤也。

在家依妻妾。出外靠童僕。故曰得童僕。貞。既我所靠。

焉。不使彼有所憾焉。故曰。得童僕貞。終無尤也。詩云。惠而好我。攜手同歸。此之謂也。



以離變艮。自旅之艮。

九四。旅瑱瑱。斲其所取災。

變艮為小石。少男。即硜硜然小。

人哉。故曰。瑱瑱。離為目。動去。艮為手。變來。乃眼不見。就伸手。路上之小竊也。故曰。旅瑱瑱。離為火。變艮為手。燙手的事。敢作。故曰。斲其所取災。小人窮斯濫矣。故曰。旅瑱瑱。斲其所取災。詩云。誰能執熱。逝不以濯。其何能淑。載胥及溺。此之謂也。象曰。

旅瑣瑣志窮災也。

也。飢渴害之。故曰志窮災也。小人犯刑。飢寒起盜。

心。故曰旅瑣瑣志窮災也。詩云。嗚呼小子。未知臧否。此之謂也。



以離變乾。自旅之遯。

六五旅人先笑後號咷終以譽命。

先是離為火。火。


生輝。象人之喜樂。故曰先笑。後變乾為冰。冰化淚。象人之悲哀。故曰後號咷。始為師。旅將帥。受錫命。寵榮。後遇危亡。死封疆之臨難。故曰旅人先笑後號咷以離戈變乾。

君乃死於戈兵。沒於王事。故曰終以譽命。
志士仁人。無求生以害仁。有殺身以成仁。
故曰旅人先笑後號咷。終以譽命。詩云。豈不懷歸。畏此簡書。此之謂也。象曰。

終以譽命有慶也。

盡其道而死者。故曰終以譽命。得其死所。則名

垂青史。萬古留芳。故曰終以譽命有慶也。詩云。彼其之子。邦之彥兮。此之謂也。




以離變震。旅之小過。

上九鳥焚其巢。喪牛于易。凶。

離為雉。故曰鳥。離為火。故

曰。焚。離其於木也。為科上槁。故曰。巢。以離
火。變震起。火動而上。故曰。鳥焚其巢。離為
畜。牝牛。故曰。牛。既動去。故曰。喪牛。動變震
為大塗。故曰。于易。上有焚焉。下必驚焉。故
曰。喪牛于易。犯上而又陵下。故曰。凶。以離
變震。自成雷電。皆至豐。豐者大也。窮大者
必失其居。驕泰者必傷其順。故曰。鳥焚其
巢。喪牛于易。凶。詩云。多將煇煇。不可救藥。
此之謂也。象曰。以旅在上。其義焚也。喪牛于易。
終莫之聞也。在旅而不慮以下人。乃取禍
之道。故曰。以旅在上。其義焚。

也。在旅而不危言危行。故曰：喪牛于易，終莫之聞也。詩云：乃如之人兮，德音無良。



巽上
巽下


巽小亨利有攸往利見大人

故旅而無所容

巽者入也。為卦象乾為天，陰晦其近人之下層，其象為風，風無細而不入，故曰：巽風尚小，故曰：小風大則撓萬物，風小則暢萬物，故曰：小亨。四方風動，惟乃之休，彰善癉

惡。樹之風聲。君子之德風。爾惟風。下民惟
草。故曰。利有攸往。風乃大。而化之之象大。
而化之之謂聖。故曰。大人。聞伯夷之風者。
頑夫廉。懦夫有立志。聞柳下惠之風者。鄙
夫寬。薄夫敦。能使人聞風興起。而從其化。
故曰。利見大人。巽數五。五曰思。思曰睿。睿
作聖。曰聖。時風若。故曰。巽。小亨。利有攸往。
利見大人。詩云。吉甫作誦。其詩孔碩。其風
肆好。以贈申伯。此之謂也。**象曰。隨風巽。君子以申命行。**
事。隨風者。木動則風生。風生則木動也。故
曰。隨風巽。上行而下效。此動而彼應。故

曰。君子以申命行事。君子有諸已而后求諸人。故曰。隨風。巽。君子以申命行事。詩云。賦政于外。四方爰發。此之謂也。



以巽變乾。巽之小畜。

初六用極馬壯吉。

巽為繩直為工。故曰用極。變乾為馬。故曰馬從。

巽變來乃追風之快馬也。故曰馬壯。馬有千里之程。非人力不能自往。故曰用極馬壯。千里馬既然。極治有方。千里人正好。申命行事。故曰用極馬壯吉。詩云。我馬維駒。

六轡既均。載馳載驅。周爰咨詢。此之謂也。象曰。初六之吉。順也。變乾為天。天道左旋。故曰。順也。能順馬之性。不窮馬之力。故曰。初六之吉。順也。詩云。不僭不賊。鮮不為則。此之謂也。



以巽變艮。自巽之漸。

九二悔亡。田獲三品。

變艮為狗。狗乃家貧。不去之畜也。故曰。悔

亡。田犬有三。長喙曰獫狫。短喙曰獬豸。絕有力曰狝。故曰。田獲三品。巽為近利市三倍。

變艮為手。其利入手。故曰悔亡。田獲三品。詩云。如賈三倍。君子是識。此之謂也。

象曰。田獲三品有功也。

犬。本有功於人之畜。至於犬馬。皆能

有養。故曰有功也。田犬尤為有功。故曰田獲三品。有功也。詩云。躍躍毚兔。遇犬獲之。



以巽變坎。自巽之渙。

九三。進退利。武人之貞。

巽為進退。故曰進退。變坎為北方。崆

峒之人。武。故曰武人。坎為勞卦。故曰之貞。有量可而進。知難而退之才。故曰利。武人

之貞。總文武者。軍之將也。兼剛柔者。兵之事也。故曰。進退。利武人之貞。詩云。文武吉甫。萬邦維憲。此之謂也。象曰。進退。志疑也。利武人之

貞。志治也。必也。臨事而懼。故曰。進退。志疑也。終竟好謀而成。故曰。利武人

之貞。志治也。量敵而後進。慮勝而後會。是故。勝兵先勝而後求戰。所以萬舉萬全。故曰。進退。志疑也。利武人之貞。志治也。詩云。方叔元老。克壯其猷。此之謂也。

䷸ 以巽變乾。自巽之姤。

六四頻巽吝

巽為風。變乾不息。乃不息之

若。乃咎徵也。故曰吝。於人為事君數斯辱

矣。朋友數斯疏矣。故曰頻巽吝。詩云終風

且曠。不日又曠。

此之謂也。

象曰頻巽之吝志窮也。

得貪

無厭多招不足。故曰頻巽之吝。乃莫知其

苗之碩之人。故曰志窮也。討厭不知足。總

嫌人家與之少。故曰頻巽之吝。志窮也。詩

云大風有隧。貪人敗類。此之謂也。


䷸ 以巽變艮。自巽之盡。

九五巽在牀下貞吝。

巽為木。為繩直。為工。木見繩直之工。乃成。

器也。變艮以止之。所成之器。乃卧身之具也。故曰牀。變艮為鼠。故曰在牀下。鼠必熏而逐之。故曰巽在牀下。屋內有鼠。損人器具。使小不足。故曰吝。養貓所以捕鼠。故曰貞吝。比於陰竊小人。不可不細搜而去之也。故曰巽在牀下。貞吝。詩云。憂心悄悄。愠于群小。此象曰巽在牀下止穹也。去其小之謂也。吝。不使耗我。故曰止穹也。搜到至隱。必使無處藏奸。故曰巽在牀下止窮也。詩云。穹窒熏鼠。

塞尚。槿戶。此之謂也。



以巽變坎。自巽之井。

上九喪其資斧貞凶。

巽為近利市三倍。故曰資斧變坎為盜。乃

被盜也。故曰喪其資斧。賊盜惡人。故曰凶。變為坎水。水主智。必設法拿賊。故曰貞凶。夫巽乃申命行事之卦。既被盜焉。豈可容乎。必貞固足以幹事。方可捕盜安良。故曰喪其資斧。貞凶。詩云。君子如怒。亂庶遄沮。此之謂也。象曰。喪其資斧。

正乎凶也。

變坎位正北。故曰正乎凶也。必

其資斧。正乎凶也。詩云。式遏寇虐。無俾作

慝。此之謂也。



兌下。兌上。

兌亨利貞。

巽者入也。入而後悅之。故受之。以兌。兌者悅也。為卦象坎為水。

深不見底。其象為澤。澤中倒影。使物成貳。故曰兌。兌者悅也。所悅者嘉會足以合禮也。故曰亨。所悅者利物足以合義也。故曰利。所悅者貞固足以幹事也。故曰貞。聖人

先得我心之所同然耳。故曰：兌亨利貞。詩云：亦既見止，亦既覯止。我心則悅。此之謂也。

象曰：麗澤兌。君子以朋友講習。

麗澤者，澤下倒

影天光。天上懸影，澤光也。故曰：麗澤兌。以文會友，以友輔仁。故曰：君子以朋友講習。從滄海無窮，討論到昊天罔極，言其上下察也。故曰：麗澤兌。君子以朋友講習。詩云：鸞飛戾天，魚躍于淵。愷悌君子，遐不作人。此之謂也。

三 以兌變坎。自兌之困。

周易卷下

兌

五六

初六引兌悔亡。

變坎為通。故曰引悅以先。

勞卦悅以先民。民忘其勞。兌悅變坎為血。

卦悅以犯難。民忘其死。悅之大。民勸矣哉。

故曰引兌悔亡。詩云德音象曰引兌未光。

莫違及爾同死。此之謂也。

也。變坎為隱伏。故曰未光也。民可使由之。

不可使知之。故曰引兌未光也。詩云攜。

無曰益。牖民孔易。此之。

謂也。

三三

以兌變震。自兌之隨。

九二商兌無悔。

兌西變震東。兌換東西。故曰。商以其所有。易其所無。

故曰。商兌交易而退。各得其所。故曰。無悔。

變震之隨。動而悅。隨乃通功。易事以羨補

不足之道。故曰。商兌無悔。詩云。象曰。商兌

投我以桃。報之以李。此之謂也。

無悔位正當也。

震兌乃對面之卦。故曰。位正當也。通有無。權貴賤。當

面交易。兩不相欺。故曰。商兌無悔。位正當

也。詩云。不僭不賊。鮮不為則。此之謂也。

三三

以兌變乾。自兌之失。

周易卷下

兌

五七

六三孚兌吉

變乾以易知。故曰孚兌為口。變乾之夫。夫乃聖人造書契。

之卦。口中有是聲。書中有是字。故曰孚兌。

能識文字。是有造化。故曰吉。學也者。祿在

其中矣。故曰孚兌吉。詩云自古

象曰孚兌

在昔。先民有作。此之謂也。

之吉信志也

口說無憑。立字為據。故曰信。志也。立字千年能說話。書契

萬里會傳言。故曰孚兌之吉。信志也。詩云

言笑宴宴。信誓旦旦。此之謂也。

䷹

以兌變坎。自兌之節。

九四來兌未寧後夫凶

變坎為水。水無有不下。故曰來兌者

悅也。近者悅。遠者來。故曰來兌。水不能居

上。故曰未寧。不寧方來。故曰來兌。未寧既

來之。則安之。然而變坎之節。節以制度。若

先來則虛以受之。若後至則滿而溢之也。

故曰後夫。凶。見善如不及。當仁不讓於師。

欲效前人。豈可怯步。故曰來兌未寧後夫

凶。詩云駉駉征夫。每懷

象曰來兌之凶位

靡及此之謂也。

不當也。

兌西變坎北。非對面之卦。故曰位不當也。繞灣未免落後。遲有悔矣。

故曰來兌之凶位不當也。詩云：遯汨從之。道阻且長。此之謂也。



以兌變震。兌之歸妹。

九五攻兌貞吉。疥疾有喜。

變震為決躁。故曰攻躁能勝濕。

故曰攻兌用猛藥以去疲疾。故曰貞吉。兌其於地也為剛鹵卑濕。其於人也有疥癬之癢。故曰疥疾。變震為笑言啞啞。故曰有喜。有人治去我疾。故曰疥疾有喜。變震之歸妹。悅以動其疾去也。故曰攻兌貞吉。疥疾有喜。詩云：人之好我。示我周行。此之謂。

也。象曰：攻兌之吉，有喜也。夫兌乃朋友講習之卦，朋友有責善之道，故曰：攻兌之吉。子路聞人言過則喜，故曰：攻兌之吉，有喜也。詩云：既見君子，云胡不喜。此之謂也。

☱☱ 以兌變乾，自兌之履。

上六：和兌，吉。變兌之履，履和而至，履以和行，故曰：和。君子同己，不與異己，不非，故曰：和兌。君子和而不流，故曰：吉。柳下惠，聖之和者也。聞柳下惠之風者，鄙。

夫寬薄夫敦故曰和兌吉詩云愷悌君子孔燕愷悌此之謂也象曰和兌

之吉行未疑也變乾為圜圜則無方命圯

油然與之偕而不自失焉故曰和兌之吉

行未疑也詩云既見君子為龍為光其德

不與壽考不忘此之

謂也



坎下
巽上

渙亨王假有廟利涉大川利貞兌者悅也悅而後散

之。故受之以渙。渙者離也。為卦巽上坎下。風來水面。不疾而速。不行而至。故曰。渙。風以散之。雨以潤之。故曰。亨。上卦巽為風。風乃大而化之之用。大而化之之謂聖。故曰。王。加坎位正北。王不北面。唯事神之際。則北面。故曰。王假有廟。內卦坎其於木也。為堅。多心。剡木為舟也。外卦巽為木。為長。為高。剡木為楫也。剡木為舟。剡木為楫。舟楫之利。以濟不通。蓋取諸渙。故曰。利涉大川。其利物合義。貞固幹事。莫大乎舟。通往來。故曰。利貞。神人不相接。立廟以接之。南北不相通。造舟以通之。故曰。渙。亨。王假有廟。

利涉大川。利貞。詩云。溥彼涇舟。烝徒楫之。周王于邁。六師及之。此之謂也。

象曰。風行水上。渙。先王以享于帝。立廟。風行

水上。浮泛吹開。故曰。風行水上。渙。風吹水

淨。廟立心誠。故曰。先王以享于帝。立廟。惟

天無親。克敬乃親。風以散慮。水以洗心。故

曰。風行水上。渙。先王以享于帝。立廟。詩云。

對越在天。駿奔走在廟。此之

謂也。



以坎變兌。渙之中孚。

初六。渙奔其机。悔亡。

夫渙乃舟楫之卦。變兌為附決。乃舟之後。

飛也。故曰。渙奔。行舟全在掌舵之人。觀其水勢之順逆。因其風送之正旁。隨其河道之曲灣。躲其來船之左右。相机而作也。故曰。渙奔其机。只要舵拿得準。則無覆溺之患焉。故曰。悔亡。見得明。把得定。可保無虞。故曰。渙奔其机。悔亡。詩云。不懈于位。民之攸暨。此象曰。渙奔其机。得願也。坎險變兌。悅。謂也。悅。乃智者樂水也。故曰。渙奔其机。行險而悅。而能履險如夷。故曰。得願也。机之時義。

大矣哉。故曰。渙。奔其机。得願也。詩云。終踰絕險。曾是不意。此之謂也。

䷺ 以坎變坤。自渙之觀。

九二。渙其群。元吉。變坤為衆。故曰。群。坎水

散。則民聚。故曰。渙其群。得乎邱民。而為天

子。故曰。元吉。散鹿臺之財。發鉅橋之粟。大

賚于四海。而萬姓悅服。故曰。渙其群。元吉。

詩云。時邁其邦。昊天其子之。此之謂也。

象曰。渙其群。元吉。光大也。變坤為含弘光

大。故曰。光大也。

舍弘光大。則品物咸亨。故曰。渙其群。元吉。光大也。詩云。帝命率育。無此疆爾界。陳常于時夏。此之謂也。



以坎變巽。自渙之巽。

六三。渙其血。去。

句。


逖出無咎。

坎為血卦。人有癰疹暑痧。

乃脾肺經之惡血也。變巽為風。以散之。唯風藥透表。防風。荆芥之用也。故曰。渙其血。去。變巽為風。風乃遠。颺之象。故曰。逖。去邪。欲遠發疹。要透。故曰。逖出無咎。卦係風行。

水上渙。此爻以坎變巽。巽蓋坎上。自成仍是風行水上。渙。渙而又渙。乃脉經之通。因通用也。故曰渙其血去。逖出無咎。詩云。玃狁孔熾。我是用急。此之謂也。

象曰。渙其血遠害也。坎為盜。故曰害。變巽為風。以散之。故曰遠害。惡血成痧疹。乃身中之害。惡人為賊盜。乃世上之害。惡血唯良醫透表之暢於四肢。不使存腹中。惡人唯仁人放流之。逆諸四夷。不與同中國。故曰渙其血遠害也。詩云。取彼譖人。投畀豺虎。豺虎不食。投畀有北。有北不受。投畀有昊。此之謂也。



以巽變乾。自渙之訟。

六四。渙王居。無咎。勿用永貞。

變乾為君。故曰。王。巽數五。

天子五載一巡狩也。故曰。渙王居。吾王不遊。吾何以休。吾王不豫。吾何以助。一遊一豫。為諸侯度。故曰。無咎。變乾為天。行健。天子適諸侯。過而不留也。故曰。勿用永貞。先王無流連之樂。荒亡之行。故曰。渙王居。無咎。勿用永貞。詩云。不留不處。三事就緒。此之謂也。

象曰。王居無咎。正位也。

變乾為天。為圜。天無往而

不中。園無適而非正。故曰。正位也。天子巡
符。以正四方諸侯之位。故曰。王居無咎。正
位也。詩云。勉勉我王。綱紀四方。此之
謂也。




以巽變艮。
自渙之蒙。

九五渙有丘匪夷所思吉。

變艮為山。故曰。
邱。巽風變艮山。


乃風擁之土也。故曰。渙有邱。平地起高堆。
故曰。匪夷所思。天然結聚。自來的風土。故
曰。吉。物華天寶。人傑地靈。其風土之吉。有
非人力所能造設也。故曰。渙有邱。匪夷所

思吉。詩云：居岐之陽，在渭之將。萬邦之方，下民之王。此之謂也。象曰：渙有丘，天與也。唯德動天，故曰：天與也。風聚土，云：天作高山，大王荒之，此之謂也。

以巽變坎。自渙之坎。

上九：渙汗其大號，渙其躬，無悔。變坎為水，故曰：汗從巽為風，變來乃用麻黃桂枝，風藥發出也。故曰：渙汗，腎主五液，入心為汗，汗由心發。

心為君主之官。故曰其大。汗發欲其透也。故曰渙。汗其大號。變坎為血卦。指其血肉之軀也。故曰躬。汗後脉靜。身涼則安。故曰渙其躬。無悔。良醫去人表邪。仁人除國外患。表邪退。則身安。外患除。則國安。故曰渙汗其大號。渙其躬。無悔。詩云。柔遠能邇。以定我王。此象曰渙其躬。志在外也。浮緊表之謂也。越。故曰志在外也。表散寒邪。體自安。故曰渙其躬。志在外也。詩云。賦政于外。四方爰發。此之謂也。



兌下。坎上。

節亨。苦節不可貞。

渙者離也。物不可以終離。故受之以節。節者止

也。為卦內卦兌者悅也。外卦坎為加憂。理義之悅有諸內。貧賤之憂置之外。有操守自修之德焉。故曰節。存心養性以事天。上天不負苦心人。故曰亨。知節而知通。是以件尼不為已甚者。故曰節。亨。既干木踰垣而避之。泄柳閉門而不納。是皆已甚。故曰苦節不可貞。致中和。勿太過。故曰節。亨。苦節不可貞。詩云。毋金玉爾音。爾有遐心。此

節

六五

也。之謂

象曰。澤中有水。節。君子以制數度。議

德行。

澤中有水。乃不流之水。淺深可測也。故曰。澤中有水。節。水淺深可測。物輕

重可權。長短可度。人賢否可辨。是非可定。


故曰。君子以制數度。議德行。深則厲。淺則

揭。是可易辨。聖之清。聖之和。聖之任。豈可

不分。故曰。澤中有水。節。君子以制數度。議

德行。詩云。維其有之。是以似之。此之

謂也。



以兌變坎。自節之坎。

初九苦節貞凶悔亡。

兌其於地也為剛鹵。乃守窮鄉處僻壤瘠

土之民也。故曰苦。瘠土之民多尚儉。故曰苦節。兌悅變坎險。悅以行險。乃知恥近乎勇也。故曰貞凶。臨大節而不可奪也。故曰悔亡。賢哉回也。一簞食一瓢飲。在陋巷。人不堪其憂。回不改其樂。故曰苦節貞凶。悔亡。詩云。彼其之子。舍命不渝。此之謂也。

象曰苦節貞凶其道窮也。

卦係澤中有水。節此爻以兌變

坎。坎蓋兌上自成。仍是澤中有水。節。節而

又節。苦上加苦。苦節不可貞。而貞之。故曰

苦節貞凶。爻雖動變而未出節。變不出節去。離不開苦焉。故曰其道窮也。伯夷。叔齊。餓於首陽山下。過於孤高。再無人能效焉。故曰苦節貞凶。其道窮也。詩云。心之憂矣。其毒太苦。此之謂也。



以兌變震。自節之屯。

九二甘節。吉往有尚。

兌其於地也為剛鹵。變震其於稼也為反。

生。稼穡作甘。故曰甘。乃苦盡甜來也。故曰甘節。守其素。必邀其福。故曰吉。變震者動。

也。故曰。往。受。過。苦。的。人。是。有。能。為。有。舉。動。
則。成。功。故。曰。往。有。尚。甘。受。和。和。受。衆。故。曰。
甘。節。吉。往。有。尚。詩。云。樂。只。象。曰。甘。節。之。吉。
君。子。民。之。父。母。此。之。謂。也。
居。位。中。也。兌。正。西。之。位。中。變。到。震。正。東。之。
位。中。得。對。面。之。中。故。曰。居。位。中。
也。西。死。東。生。兌。西。變。震。東。乃。去。死。地。投。生。
路。故。曰。甘。節。之。吉。居。位。中。也。詩。云。逝。將。去。
汝。適。彼。樂。土。樂。土。樂。土。爰。得。我。所。此。
之。謂。也。

三三 以兌變乾。
自節之需。

六三有孚于飲酒。無咎。濡其首。有孚失是。

兌為澤。變乾為純粹精也。澤為純粹之精。焉。故曰飲酒。凡驗看人之品節。驗伊飲酒之際。視其所以。觀其所由。察其所安。故曰有孚于飲酒。若能節以制度。而不及亂。故曰無咎。變乾為大赤。故曰濡。乾為首。故曰首。飲酒過量。則面紅頰赤。故曰濡其首。變乾為自彊不息。飲酒豈可自彊不息。故曰有孚失是。節亨。若節不可貞。飲無咎。過飲亦不可貞。故曰有孚于飲酒。無咎。濡其首。有孚失是。詩云。既醉而出。並受其福。醉而

不出。是謂伐。象曰：飲酒濡首，亦不知節也。

德此之謂也。既惡醉而又強酒，故曰亦不知節也。人之失節多在酒後，故曰飲酒濡首亦不知節也。詩云：其未醉止，威儀反反。曰既醉止，威儀幡幡，此之謂也。

三三 以坎變兌 自節之兌

六四不節，若則嗟若，無咎。

坎為水，水流而不盈於人，為富。

時不儉而浪費，故曰不節。若，坎為加憂於人為貧，時不耐而咨嘆，故曰則嗟若。卦係

澤中有水節。此爻以坎變兌。兌蓋坎上。自成澤。無水困。乃自取其困。不得怨恨他人。故曰。無咎。夫人生不能一日而無用。不可一日而無財。然必留有餘之財。而後可供不時之用焉。夫財猶水也。水之流不蓄。而水立涸矣。財之用不節。而財立匱矣。故曰。不節。若則嗟若。無咎。詩云。心之憂矣。自貽伊戚。此之謂也。

象曰。不節之嗟。又誰咎也。有時能費。無時不忍。故曰。不節之嗟。先富後貧。只好自怨自艾。故曰。不節之嗟。又誰咎也。詩云。世之懷矣。自貽伊阻。此之謂也。




以坎變坤。自節之臨。

九五安節亨

變坤為安貞吉。故曰安。至哉坤元。乃順承天。存其心。養其

性。所以事天也。妖壽不貳。修身以俟之。所以立命也。故曰安節。樂天知命。故不憂。安土敦乎仁。故能愛。不憂能愛。有不通乎。故曰亨。以坎位正北。乃當位以節也。變坤為行。地無疆。乃中正以通也。故曰安節。亨。詩云。昭事上帝。聿懷多福。厥德不回。以受方國。此之謂也。象曰。安節之亨。承上道也。變坤卑法地。含

弘光大。品物咸亨。故曰。安節之亨。坤道其順乎。承天而時行。故曰。安節之亨。承上道也。詩云。永言配命。自求多福。此之謂也。



以坎變巽。節之中孚。

上六虞吉。有他不燕。婦喪其茀。

言此爻末變。澤中有

水。節清見底。靜無聲。節以制度。淺深可測也。故曰。虞吉。此爻動。變巽風。風來浪作。水性揚花。波滔自起也。故曰。有他不燕。巽長女。從坎為歸卦。變來。乃于歸之女也。故曰。

婦。變巽為風。引風以入。乃婦之帷幕不修也。故曰。婦喪其茀。處寡容易守節難。故曰。虞吉。有他不燕。婦喪其茀。詩云。靡不有初。鮮克有終。此之謂也。象曰。虞吉。志未變也。有他不燕。其節亂也。目無見耳。或恬。故曰。虞吉。志未變也。外來感蔽交前。其中則遷。故曰。有他不燕。其節亂也。坎水流。變巽風吹。故曰。虞吉。志未變也。有他不燕。其節亂也。詩云。有女懷春。吉士誘之。

巽上
兌下

中孚。孚豚魚。吉利涉大川。利貞。

節而信之。故受之以

中孚。中孚者信也。為卦內卦兌為口。上加巽者入也。入口知味。乃不言而信也。故曰中孚。兌澤之外有巽魚。魚能出澤。乃江猪也。故曰豚魚。其物好風。日日頂風頭向渡江者。多驗江猪之向背。以知今日起風之順逆。故曰孚豚魚。吉利涉大川。其江猪利物足以合義也。其舟師貞固足以幹事也。故曰利貞。致知在格物。故曰中孚。孚豚魚吉利涉大川。利貞。詩云天生烝民。有物有則。此之謂也。

象曰澤上有

風中孚。君子以議獄緩死。

澤上有風。乃潮。頭欲過滿。江風。

秋之大潮。必應信於八月十八日也。故曰。澤上有風。中孚。刑部總辦秋審處。故曰。君子以議獄。緩死。天地秋殺之氣。作王者。秋審之政。行故曰。澤上有風。中孚。君子以議獄。緩死。詩云。赫赫業業。有嚴天子。此之謂也。



以兌變坎。中孚之渙。

初九。孚于剝。有厲。用史巫紛若。無咎。

兌為毀折。

故曰。剝。變坎為血卦。有傷可驗。故曰。孚于剝。變坎為隱伏。乃反而歸者。為鬼也。故曰。有厲。生未得善終者。死則是為作祟之厲。鬼。故曰。孚于剝。有厲。兌為巫。故曰。用史巫。變坎為水。故曰。紛若。有鬼作祟。必驅逐禳除。故曰。用史巫。紛若。中孚者。信也。信及枉死之魂。亦欽佩焉。故曰。孚于剝。有厲。用史巫。紛若。無咎。詩云。挹彼注茲。可以餼餼。此之謂也。
象曰。紛若無咎。得中也。變坎位正北。邪不侵正。故曰。紛若無咎。得中也。詩云。出此三物。以阻爾斯。此之謂也。

三三

以兌變震。中孚之益。

九二得敵。或罷。或鼓。或泣。或歌。是謂災眚。

兌為巫。變震為龍。有神降附。巫也。故曰得敵。神者陽之靈也。於人為中。狂故曰或罷。或鼓。或泣。或歌。神不無因而顯靈。故曰是謂災眚。國家將亡。必有妖孽。故曰得敵。或罷。或鼓。或泣。或歌。是謂災眚。詩云。象曰。得敵。位正當也。兌正西。變震正東。乃大對面焉。故曰位正當也。以其物享神之格。思不可度。思此之謂也。

周易卷之五

中孚

七二

之。其至之日。是其物也。故曰。得敵位正當也。詩云。物其有矣。維其時矣。此之謂也。



以兌變乾中孚之小畜。

六三月幾望馬匹亡吉無咎。

兌上缺。變乾為圜。故曰。月。

幾望。變乾為馬。故曰。馬。兌二變乾一。故曰。

馬匹亡。夜夢馬匹亡。有君命召。不俟駕而。

行之。吉兆也。故曰。吉。無咎。易通幽明之故。

中孚乃致知格物之卦。至誠之道。可以前。

知。故曰。月幾望。馬匹亡。吉。無咎。詩。

云。乃寢乃興。乃占我夢。此之謂也。象曰。馬。

匹亡絕類上也。

在方以類聚之中出乎其類故曰絕類上也。越等超

升之速快故曰馬匹亡絕類上也。詩云對越在天駿奔走在廟此之謂也。



以巽變乾中孚之履。

六四翰音登于天貞凶。

巽為雞故曰翰音變乾為天故曰登。


于天乾位西北乃雞鳴戌亥也故曰翰音登于天雞不鳴戌亥若鳴戌亥乃報火災也故曰貞凶巽木變乾金木遭金剋則生火中孚乃致知格物之卦知雞鳴戌亥主

有火災。故曰。翰音登于天。貞凶。詩云。握粟出卜。自何能穀。此之謂也。象曰。翰

音登于天。何可長也。雞到申酉歇聲。此到

長也。有求全之毀。故曰。翰音登于天。何可

長也。詩云。庶曰式臧。覆出為惡。此之謂也。

以巽變艮。中孚之損。

九五有孚。攸如無咎。往厲必戒。變艮為狗。守犬能防

賊。故曰。有孚。田犬能獲兔。故曰。攸如。乃報主養人之畜也。故曰。無咎。變艮為門闕。其

家有惡狗。到門須止步。故曰往厲必戒。諺有云。好狗護三鄰。故曰有孚。攬如無咎。往厲必戒。詩云。彼君子兮。不素食兮。此之謂也。象曰。往厲必戒。位不當也。又非比鄰。故曰位不當也。巽為風。乃外來賓象。狗乃不利賓之畜也。吠非其主。故曰往厲必戒。位不當也。詩云。彼何人斯。其為飄風。此之謂也。



以巽變坎。
中孚之節。

上九鳴鶴在陰其子和之我有好爵吾與

爾靡之

巽為風故曰鳴巽為白變坎為赤白上加赤故曰鶴變坎為隱伏故

曰

在陰巽長女變坎中男有母子相依之

象

故曰其子巽風變坎水風聲動水聲故

曰

和之變坎為水隱伏乃水蛇也鶴以蛇

為

酒故曰我有好爵鶴啖蛇則醉故曰吾

與

爾靡之子曰君子居其室出其言善則

千

里之外應之況其邇者乎居其室出其


言

不善則千里之外違之況其邇者乎言

出

乎身加乎民行發乎邇現乎遠言行君

子之樞機。樞機之發。榮辱之主也。言行君子之。所以動天地也。可不慎乎。坎為月。為耳。月乃天之耳也。故曰。鳴鶴在陰。其子和之。我有好爵。吾與爾靡之。詩云。鶴鳴于九臯。聲聞于天。此之謂也。象曰。其子和之。中心願也。中乃入口。知味不言而信之卦。變坎為心。亨。故曰。中心願也。理義之悅我心。猶蒟蒻之悅我口。故曰。其子和之。中心願也。詩云。民之秉彝。好是懿德。此之謂也。

震上。艮下。

小過亨利貞。可小事。不可大事。飛鳥遺之。

音不宜上宜下大吉。

中孚者信也。有其信者必行之。故受之以

小過。小過者過也。為卦上震起下艮止。乃

飛鳥之時。飛時止也。故曰小過。雖為暫且

之事。亦不可苟且而過。必嘉會合禮利物

合義貞固幹事。故曰亨利貞。禮從宜使從

俗。大德不踰閑。小德出入可也。故曰可小

事。不可大事。有鳥曰鷓鴣。雄鳴上風。雌鳴下

風。故曰飛鳥遺之音。鳴上風。風吹鳥尾。其

羽戕翻。鳴下風。風吹鳥首。其羽順帖。故曰

不宜上宜下大吉。雖小道必有可觀焉。致遠恐泥。是以君子不為也。故曰小過亨利貞。可小事不可大事。飛鳥遺之音。不宜上宜下大吉。詩云善戲謔兮不為虐兮。此之謂也。象曰雷行山上小過君子以行過乎恭喪過乎哀用過乎儉。雷行山上乃空谷傳聲也。故曰雷行山上小過空谷傳聲。乃又我之聲於人為用情太過。故曰君子以行過乎恭喪過乎哀用過乎儉。智者過之賢者過之。故曰雷行山上小過君子以行過乎恭喪過乎哀用過

乎儉。詩云：子有衣裳，弗曳弗婁。子有車馬，弗馳弗驅。此之謂也。

䷛


以良變離。小過之豐。

初六：弗過遇之，飛鳥以之，凶。

小過有飛鳥之象焉。變離

為網罟，乃入網之鳥也。故曰：弗過遇之，飛鳥以之，乃不留神之失焉。故曰：凶。於人為不深淺酌量，遭誤入之災也。故曰：弗過遇之，飛鳥以之，凶。詩云：我之懷矣，自貽伊阻。此之謂也。象曰：飛鳥以凶，不可如何也。乃誤入網羅，故

曰不可如何也。食穀者多智。智有所不及。故曰飛鳥以凶不可如何也。詩云有兔爰爰。雉罹于羅。此之謂也。



以艮變巽。小過之恒。

六二弗過防之從或戕之凶。

魚頂水鳥迎風。小過有飛

鳥之象。遇有風之日。鳥飛止。俱是向風。向風飛止。則羽順而翎舒。若須臾不向。則有羽翻翎捲。翠揭之摧殘。變巽為風。故曰弗過防之。從或戕之。六鷁逆飛。過宗都風也。

故曰弗過防之從或戕之凶詩云

象曰從

令儀令已小心翼翼此之謂也

或戕之凶如何也

鳥若不拜下風如人之好犯上而干罪戾故曰

凶如何也偶爾失防患必及之故曰從或

戕之凶如何也詩云

下民之孽匪降自天

九三過其祖遇其妣不及其君遇其臣無

咎

艮三索而得男乃曾孫也故曰過其祖


變坤為母故曰遇其妣艮為山象君之

尊既動去。故曰：不及其君，變來坤為地。象
臣之卑，故曰：遇其臣，艮變坤，止而順。故曰：
無咎。此爻之動，變乃合乎小事，而宜下
之吉也。故曰：遇其祖，遇其妣，不及其君，遇
其臣，無咎。詩云：問我諸姑。象曰：不及其君，
遂及伯姊。此之謂也。

臣不可過也。

事其大夫之賢者，友其士之

子，先謁相。故曰：不及其君，臣不可過也。詩
云：未見君子，寺人之令。此之謂也。



以震變坤，
小過之謙。

九四東鄰殺牛不如西鄰之禴祭實受其

福

震位東變坤為牛故曰東鄰殺牛變坤西南坤以簡能故曰不如西鄰之禴祭

簡則易從易從則有功故曰實受其福小

過可小事不可大事故曰東鄰殺牛不如

西鄰之禴祭實受其福詩云神之弔矣貽


爾多福民之質矣日用飲食此之謂也

象曰東鄰殺牛不如西鄰之時也實受其

福吉大來也

殺牛盛祭乃冬行大飲蒸之祭雷行山上小過乃夏而福

衡之時也。故曰：東鄰殺牛，不如西鄰之時也。夏祭曰禴，合乎其時，故曰：實受其福。吉大來也。薦其時食，故曰：東鄰殺牛，不如西鄰之時也。實受其福。吉大來也。詩云：物其有矣。維其時矣。此之謂也。



以震變兌
小過之咸

六五公弋取彼在穴弗遇過之

公百里之君也震驚

百里故曰公震動而上故曰公弋取變兌為澤澤動而下故曰彼在穴此公之箭射

無準。故曰弗遇過之。小過不宜上。故曰公
弋取彼在穴。弗遇過之。詩云。瞻望弗及。實
勞我心。此象曰。弗遇過之。終不可長也。乃
之謂也。小過之物。時飛時止。故曰終不可長也。色
斯舉矣。翔而後集。故曰弗遇過之。終不可
長也。詩云。胡能有定。寧不我顧。此之
謂也。

三三

以震變離
小過之旅

上六弗遇過之。飛鳥離之。凶。

變離為日。此
鳥飛到日輪

天。高而難下。故曰。弗遇遇之。飛鳥離之高。而難下。則化為游絲矣。故曰。凶。伏羲作結繩而為網。罟以佃。以漁。蓋取諸離。離為日。普地鋪暉。日乃天網也。此爻變離為日。天網恢恢。疏而不漏。故曰。弗遇遇之。飛鳥離之。凶。詩云。胡不相畏。不畏于天。此之謂也。

象曰。飛鳥離之。已亢也。

曰。已亢也。知進而不知退。故其災。故曰。飛鳥離之。已亢也。詩云。多將熇

熇。不可救藥。此之謂也。

三三

離下坎上

既濟亨小利貞初吉終亂

小過者過也。有物過者必濟。故

受之以既濟。既濟定也。為卦離為日在下。坎為水在上。乃晝蒸暖也。晝蒸暖則冰化。河開可通舟楫之往來。故曰既濟。此時草木將萌。尚未大暢。故曰亨小。春日載陽。其利物足以合義也。其貞固足以幹事也。故曰利貞。始為春露。故曰初吉。後作秋霜。故曰終亂。聖人之道。皆是治治于未亂。保邦于未危之教也。在將見春露之喜。預警秋霜之戒。故曰既濟亨小利貞初吉終亂。詩云二月初吉。載離寒暑。此之謂也。

象曰。水在火上。既濟。君子以思患而豫防。

之。

水在火上。乃五行有制也。故曰。水在火

上。既濟。五行必使有制。以弭其偏勝。獨
強。而作亂為害也。故曰。君子以思患而豫
防之。變理陰陽。論道經邦。乃安而不忘危。
治而不忘亂也。故曰。水在火上。既濟。君子
以思患而豫防之。詩云。永言配命。成王之
孚。成王之孚。下土之式。此之謂也。



以離變艮。
既濟之蹇。

初九不出門庭凶

變艮為門闕故曰門庭

庭時當既濟於士為天下有道則現於農
為春暖河開則耕於工為晝景舒長則作
於商為水陸無阻則通而竟廢時失業故
曰凶邦有道貧且賤焉恥也故曰不出門
庭凶詩云無已太康象曰不出門庭失時
職思其外此之謂也
極也既濟乃得時之卦也此變艮止乃不
識時務之人焉故曰失時極也雖有
智慧不如乘勢雖有磁基不如待時今時
則易然時哉弗可失此所變之艮少男而

不知也。故曰。不出門庭。失時極也。詩云。嗚呼。小子。未知臧否。此之謂也。




以離變乾。既濟之需。

六二貞吉。無悔。君子之光。有孚吉。以離火變乾寒。

調和寒火。變理陰陽。成既濟之功用。協陰陽之妙用。故曰。貞吉無悔。以離變乾。文明以健。中正而應。君子正也。唯君子唯能通天下之志。故曰。君子之光。有孚吉。離火變乾寒。時煥時寒。離日變乾天。時暘時雨。乃君子之不狂不僭。不急不豫之所致。此天

應休徵也。故曰貞吉無悔。君子之光有孚吉。詩云既見君子為龍為光其德不爽壽考不忘此之謂也。象曰君子之光其暉吉也。離日金。金光普照。故曰其暉吉也。思可徧施。乃曰陽春有脚。故曰君子之光其暉吉也。詩云既見君子云胡不喜此之謂也。



以離變震。既濟之屯。

九三高宗伐鬼方三年克之貞吉。離為日。乃天子。

之象。故曰高宗。離為戈兵。變震者動也。故曰伐。離位正南。乃荆楚蠻夷也。故曰鬼方。天下有道。則禮樂征伐自天子出。故曰高宗伐鬼方。離數三。變震仲春。三見仲春。故曰三年。離變震。明以動。故曰克之。王道無近功。故曰三年克之。抑其強盛。故曰貞吉。既濟定也。武丁朝諸侯。有天下。猶運之掌也。故曰高宗伐鬼方。三年克之。貞吉。詩云。捷彼殷武。奮伐荆楚。此之謂也。象曰三年克之。憊也。仁人功遲武。故曰三年克之。兵久則國用不足。故曰三年克之。憊也。詩云。既破我斧。又缺。

我鉢此之謂也。



以坎變兌。既濟之革。

六四濡其尾吝。

坎其於馬也為美脊。乃駱駝也。其物撒尿往後放。其

尾常濕。故曰濡其尾。變兌為澤。乃既濟之

春雨露既降也。其物經雨露則脫毛。故曰


吝。物之不齊。物之情也。故曰濡其尾吝。詩

云。瞻彼阪田。有苑其特。天之抗我。如不我

克。此之象曰。濡其尾吝。亦不知極也。是物

謂也。到春

發則旺。唯駱駝到春發反衰。故曰亦不知極也。嗚呼。時運不齊。命途多舛。故曰濡其尾。吝亦不知極也。詩云。民莫不穀。我獨曷害。此之謂也。



以坎變坤。既濟之明夷。

九五濡有衣袽。終日戒。

坎為水。故曰濡。變坤為布。故曰有衣。

袽布。所以拭水。故曰濡有衣袽。變坤西南。故曰終日。坤簡以知阻。故曰戒。夫既濟乃舟楫往來之卦。舟人必備湛舟底。拭艙津之破衣爛布。乃君子之思患而豫防之之。


道也。故曰。濡有衣袽。終日戒。詩云。心之憂矣。不可弭忘。此之謂也。

象曰終

日戒有所疑也。

船底不時有津潮。乃舟人。不時之心戒也。故曰終日

戒。乃常年之疑慮。永不敢心之危患。故曰終日戒有所疑也。詩云。汎彼柏舟。亦汎其流。耿耿不寐。如有隱憂。此之謂也。



以坎變巽。既濟之家人。

上六貞吉。悔亡。利涉大川。

以坎變巽。自成。風行水上。渙剝。

木為舟。剡木為楫。舟楫之利。以濟不通。蓋取諸渙。故曰貞吉悔亡。變巽為木。乘木有功也。故曰利涉大川。夫既濟乃渡河之卦也。此爻以坎水變巽木。水泛木浮。過渡舟楫。協既濟之用。成既濟之功。故曰貞吉悔亡。利涉大川。詩云。就其深矣。方之舟之。就其淺矣。泳之游之。此之謂也。象曰貞吉悔亡志行也。有

事之才能。故曰貞吉悔亡。舟車所至。乃人力所通也。故曰貞吉悔亡。志行也。詩云。江漢浮浮。武夫滔滔。匪安匪游。淮夷來求。此之謂也。



坎下
離上

未濟亨小

句

狐汔濟濡其尾無攸利

既濟定也

物不可以終窮也。故受之以未濟終焉。為卦離日在上坎水在下。乃無晝蒸也。晝不蒸水。夜不墜露。乃水凍河封之時。水凍河封。舟楫住。故曰未濟。天寒日短。難乎大通。故曰亨。小水凍河封。狐來聽冰。故曰狐汔。濟水凍河封。不能施罟。下網。漁人無魴魚。賴尾之利焉。故曰濡其尾。無攸利。水始冰。地始凍。虹藏不現。天氣上升。地氣下降。閉

塞而成冬。故曰未濟。亨小。狐汔濟。濡其尾。無攸利。詩云。冬日烈烈。飄風弗弗。此之謂也。

象曰。火在水上。未濟。君子以慎辨物居

方。

火在水上。五行無制也。五行無制。各不相交。故曰火在水上。未濟。有偏勝獨立

之患。故曰君子以慎辨物居方。五行五方。一極備凶。一極無凶。有方以類聚之。強強則為害。故曰火在水上。未濟。君子以慎辨物居方。詩云。自古在昔。先民有作。

三

以坎變兌。未濟之睽。

初六濡其尾無咎

坎其于馬也為美脊乃駝也其物撒尿往後其

尾常濕變兑為澤故曰濡其尾其物喜冬

到冬令則毛足體壯任重道遠未濟乃閉

塞成冬之卦故曰濡其尾無咎詩

云彼其之子實大且篤此之謂也象曰濡

其尾養無咎也此物養人之功最大故曰

故曰濡其尾養無咎也詩云彼君子兮不

素食兮此之謂也



以坎變坤未濟之晉

九二曳其輪貞吉

坎為曳為輪變坤為牛

車未濟乃冬卦故曰曳其輪其貞固足以

幹事者莫大乎牛故曰貞吉小雪封地路

無泥濘故曰曳其輪貞吉詩云大象曰九

夫不均我從事獨賢此之謂也

二貞吉中以行正也

從坎位正北發動故曰中以行正也大車

有輓故曰九二貞吉中以行正也詩云曳

勉從事不敢告勞此之謂也



以坎變巽未濟之鼎

六三濡其首厲

坎為赤故曰濡變巽為雞

曰翰音故曰厲閉塞成冬夜永鳴長故曰

濡其首厲詩云女曰雞鳴士曰昧旦子興

視夜明星有爛

象曰濡其首厲何可久也

此之謂也

只聞雞鳴未見天曉故曰何可久也寒雞

半夜啼故曰濡其首厲何可久也詩云風

雨如晦雞鳴不已此之

謂也



以離變艮未濟之蒙

九四。不出戶庭。無咎。

變。良為門闕。故曰。戶

出戶庭。時當未濟於士。為天下無道。則隱。於農。為閉塞。成冬。則藏於工。為晝景見。短則歇。於商。為水道不通。則停。冬者。歲之餘也。故曰。無咎。又離為五行。二曰火。配五事。二曰言。變。良以止之。乃密其言也。子曰。亂之所生也。則言語以為階。君不密。則失臣。臣不密。則失身。機事不密。則害成。是以君子慎密而不出也。蓋唇為人之飛門。齒為人之戶門也。故曰。不出戶庭。無咎。詩云。質爾人民。謹爾侯度。用戒不虞。慎爾出詒。此

之謂也。

象曰。不出戶庭。知通塞也。

冬者歲餘。杜門謝客。

閉戶攻書。故曰。不出戶庭。守塞。所以待通。故曰。不出戶庭。知通塞也。詩云。其室則迥。其人甚遠。此之謂也。




以離變乾。未濟之訟。

六五。密雲不雨。自我西郊。

以離為日。變乾為天。有天無日。

乃假陰天也。故曰。密雲不雨。變乾位西北。故曰。西郊。周公自指家邦而言。故曰。自我。

西郊。當文王遇紂之世也。故曰密雲不雨。自我西郊。詩云文王曰咨。咨汝殷商。此之謂也。象曰密雲不雨已上也。三分天下有其二。以服事殷。故曰密雲不雨已上也。詩云文王受命。有此武功。


以離變震
未濟之解

上九未濟征凶三年有賞于大國小人勿

用。離為戈兵。變震者動也。故曰征凶。天下無道則禮樂征伐自諸侯出。故曰未濟

征凶。離數三。變震。仲春。三歷。仲春。故曰。三
年。變震驚百里。乃公侯之國也。故曰。大國。
諸侯有四夷之功。天子則晉爵加土。故曰。
有賞于大國。君子有功。則列土。故曰。三年。
有賞于大國。小人有功。則賞財。故曰。小人。
勿用。易為君子設。不為小人謀。未濟。乃六
十四卦之大終。上九。乃三百八十四爻之
全畢。一部周易。乃去小人之經也。使君子
道長。小人道憂。故曰。未濟。征凶。三年有賞。
于大國。小人勿用。詩云。維此良人。作為式
穀。維彼不順。征以。中垢。此之謂也。

象曰。未濟。征凶。位不當。

也。小人勿用。小人道喪也。

離正南變震正東。非對面之卦。


故曰。未濟征凶。位不當也。夫易乃上合天意。下順人情之設教也。小人乃上違天意。下逆人情之惡道也。逆天者亡。故曰。小人勿用。小人道喪也。易之興也。當殷之末世。周之盛德邪。當文王遇紂之事邪。故曰。未濟征凶。位不當也。小人勿用。小人道喪也。詩云。天位殷適。使不挾四方。此之謂也。

周易逢原下經

卷之四

終

周易上下兩經始乾終未濟。共陸拾肆卦。每卦陸爻。共叁百捌拾肆爻。其中錯簡共有貳百柒拾伍爻。本孔子之十傳。一一考究。一一更正。以還周公之舊。其中尚有不錯簡。僅有壹百零玖爻。仍依未動。



周易上下兩經始乾終未濟其陸拾
肆卦每卦陸爻共叁百捌拾肆爻其
中錯簡共有貳百柒拾伍爻本孔子
之十傳一一考究一一更正以還周
公之舊其中尚有不錯簡位有壹百
零玖爻仍依未動

